

# Bases de datos

## Unidade 4: Creación da estrutura de bases de datos relacionais

---

<b>1.</b>	<b>A01. Creación da estrutura de bases de datos relacionais .....</b>	<b>4</b>
1.1	Introdución .....	4
1.1.1	Obxectivos .....	4
1.1.2	Software .....	4
1.2	Actividade .....	4
1.2.1	Deseño físico .....	5
1.2.2	Linguaxe SQL .....	5
1.2.2.1	Definición de datos .....	5
1.2.2.2	Manipulación de datos .....	6
1.2.2.3	Control de datos .....	6
1.2.2.4	Estándares SQL .....	6
1.2.2.5	Formas de utilizar SQL .....	7
1.2.2.6	Conexión a un servidor MySQL .....	7
1.2.2.7	Forma básica das sentenzas SQL .....	9
1.2.2.8	Notación para a sintaxe .....	9
1.2.2.9	Comentarios en SQL .....	10
1.2.3	Linguaxe de definición de datos .....	11
1.2.3.1	Consulta do diccionario de datos dun servidor MySQL .....	11
1.2.3.2	Nomes dos obxectos .....	12
1.2.3.3	Base de datos .....	12
	Creación dunha base de datos .....	12
	Poñer en uso unha base de datos .....	13
	Borrar unha base de datos .....	14
1.2.3.4	Táboa .....	14
	Creación dunha táboa .....	14
	Tipos de datos en MySQL .....	15
	Implementación da integridade mediante restricións .....	19
	Métodos para implementar a integridade .....	20
	Definición de restricións .....	21

	Creación de táboas e restricións .....	21
	Asociar estruturas de índices ás columnas .....	24
	Información sobre táboas .....	24
	Creación dunha táboa a partir dunha táboa que xa existe .....	25
	Borrado dunha táboa .....	25
	Motores de almacenamento en MySQL .....	25
	Táboas particionadas.....	27
1.2.3.5	Índices.....	29
	Creación de índices .....	29
	Borrado de índices.....	29
1.2.4	Tarefa integradora .....	30
1.3	Tarefas.....	30
1.3.1	Tarefa 1. Conectar cun servidor de bases de datos.....	30
	Solución .....	30
1.3.2	Tarefa 2. Crear bases de datos empregando a sentenza CREATE .....	32
	Solución .....	32
1.3.3	Tarefa 3. Poñer en uso as bases de datos empregando a sentenza USE .....	33
	Solución .....	33
1.3.4	Tarefa 4. Borrar bases de datos empregando a sentenza DROP.....	33
	Solución .....	33
1.3.5	Tarefa 5. Crear táboas empregando a sentenza CREATE .....	33
	Solución .....	35
1.3.6	Tarefa 6. Borrar táboas empregando a sentenza DROP .....	37
	Solución .....	37
1.3.7	Tarefa 7. Crear índices empregando a sentenza CREATE .....	38
	Solución .....	38
1.3.8	Tarefa 8. Borrar índices empregando a sentenza DROP.....	38
	Solución .....	38
1.3.9	Tarefa 9. Tarefa integradora.....	38
	Solución .....	40

# 1. A01. Creación da estrutura de bases de datos relacionais

---

## 1.1 Introducción

### 1.1.1 Obxectivos

Os obxectivos desta actividade son:

- Analizar os detalles do almacenamento físico dunha base de datos.
- Crear e borrar bases de datos e táboas utilizando a linguaxe SQL de definición de datos, asistentes e ferramentas gráficas, seguindo as especificacións detalladas nos deseños conceptuais e lóxicos.

### 1.1.2 Software

Utilizarase a plataforma WAMP (Windows-Apache-MySQL-PHP) WampServer 2.5 (última versión estable en outubro 2015), que inclúe MySQL Community Edition 5.6.17 como SXBDR (Sistema Xestor de Bases de Datos Relacional). As razóns de utilización deste software son que:

- É software libre, polo que o alumnado poderá descargalo de forma gratuíta e utilizalo legalmente na súa casa.
- É unha forma sinxela de facer a instalación do software necesario para desenvolver aplicacións web.



Páxina oficial de  WampServer: <http://www.wampserver.com>



Páxina oficial de  MySQL: <https://www.mysql.com/>

Utilizarase MySQL Workbench 6.3 como ferramenta cliente gráfica para facer as prácticas asociadas a esta actividade, xa que é a recomendada por MySQL en outubro de 2015, aínda que tamén poderían utilizarse outras como phpMyAdmin, EMS MyManager, ou MySQL Query Browser.



En <https://www.mysql.com/products/workbench/> pode obterse información detallada sobre a ferramenta MySQL Workbench e descargar o software.



En <http://dev.mysql.com/doc/index-gui.html> pode descargarse o manual de MySQL Workbench.



O material auxiliar anexo a esta actividade inclúe unha Guía básica de MySQL Workbench 6.3.

## 1.2 Actividade

### 1.2.1 Deseño físico

O deseño físico é o proceso de implantación definitiva da base de datos deseñada, sobre un SXBD concreto, utilizando directamente instrucións do xestor da base de datos, ou ben, mediante a axuda dalgunha ferramenta gráfica que facilite a creación da base de datos sen necesidade de coñecer a sintaxe da linguaxe utilizada polo xestor para ese fin. Realízase unha vez rematadas as fases de deseño conceptual e deseño lóxico.

É imprescindible empregar o manual de referencia do SXBD seleccionado para coñecer as normas de sintaxe propias do fabricante. Destácanse as seguintes precaucións:

- Nomes de bases de datos, táboas, columnas. Como regra xeral poderíamos empregar nomes que só leven letras, números e o guión baixo, tratando de evitar o uso doutros caracteres especiais incluídos o ñ, os acentos ou calquera outro símbolo. A razón desta recomendación é que aínda que o noso SXBD permita o uso de caracteres especiais pode que no futuro teñamos que migrar as nosas bases de datos a outro SXBD, ou a outro sistema operativo, que teña unhas normas máis restritivas en canto aos nomes que se poden empregar.
- Uso indistinto de maiúsculas, minúsculas, ou unha mestura de ambas, para nomear. Deberíase de empregar unha norma xeral, como por exemplo, poñer os nomes sempre en minúsculas xa que se tiveramos que migrar dun sistema Windows a outro sensible a maiúsculas e minúsculas (*case sensitive*), como pode ser Linux, pódense xerar problemas.
- Tipos de columnas. Cando se fai unha migración dunha base de datos dun SXBD a outro, é importante revisar os tipos de columnas propios dos SXBD utilizados, xa que, a pesar de existir unha norma ANSI estándar para os tipos de datos, cada fabricante introduce algunhas modificacións para mellorar o rendemento do seu motor. Así é posible que no SXBD dun determinado fabricante existan tipos de datos que non existen nos demais, ou que un mesmo tipo de dato se comporte de distinta maneira en canto a rangos de valores permitidos e espazo que ocupa no almacenamento.
- Definición das estruturas físicas de almacenamento. É importante coñecer a maneira en que o noso SXBD almacena os obxectos das bases de datos (*tablespaces*), ou os ficheiros de datos (*datafiles*).

### 1.2.2 Linguaxe SQL

SQL corresponde ao acrónimo de *Structured Query Language* (Linguaxe Estructurado de Consultas) e é unha ferramenta para organizar, xestionar e recuperar datos almacenados nunha base de datos relacional. Naceu como software de consulta pero actualmente aínda que esa é unha das súas funcións máis importantes, utilízase para controlar todas as funcións que subministra un SXBDR aos seus usuarios, incluíndo todas as funcións das linguaxes deseñadas para o manexo de bases de datos: Linguaxe de Definición de Datos, Linguaxe de Manipulación de Datos, e Linguaxe de Control de Datos.

#### 1.2.2.1 Definición de datos

A linguaxe de definición de datos ou LDD (en inglés *Data Definition Language* ou *DDL*) permite a creación do esquema da base de datos e a organización física dos datos almacenados.

### 1.2.2.2 Manipulación de datos


A linguaxe de manipulación de datos ou LMD (en inglés *Data Manipulation Language*, ou *DML*) permite:

- Recuperación de datos. SQL permite recuperar e utilizar os datos almacenados nunha base de datos a un usuario ou a un programa.
- Mantemento de datos. SQL permite actualizar a base de datos a un usuario ou a un programa, engadindo novos datos, borrando e modificando os que xa están almacenados.

### 1.2.2.3 Control de datos

A linguaxe de control de datos ou LCD (en inglés *Data Control Language* ou *DCL*) permite:

- Control do acceso. SQL pode ser utilizado para xestionar as contas dos usuarios e restringir a súa capacidade para recuperar, engadir e modificar datos, protexendo os datos almacenados contra accesos non autorizados.
- Control do acceso concorrente aos datos. SQL permite establecer sistemas de bloqueos de datos para permitir que varios usuarios poidan acceder ao mesmo tempo á base de datos para compartir información, evitando interferencias entre eles.
- Integridade de datos. SQL permite establecer medidas de seguridade para protexer os datos de ataques externos ou ante fallos do sistema e a recuperación da base de datos para volver a estar dispoñible para os usuarios.



### 1.2.2.4 Estándares SQL

Un dos elementos clave da aceptación de SQL no mercado é a existencia dun estándar oficial adoptado polo *American National Standards Institute* (ANSI) e a *International Standards Organization* (ISO). Sen embargo, hai outros dous estándares de SQL importantes que inclúen o SQL definido por DB2 de IBM e o estándar X/OPEN de SQL para UNIX.

Os inicios do estándar oficial de SQL foron en 1982, cando ANSI encargou ao seu comité X3H2 a definición dunha linguaxe de base de datos relacional. O estándar ANSI para SQL resultante está baseado en gran medida no SQL de DB2, aínda que contén algunhas

diferenzas importantes.

Resumo de revisións do estándar SQL <sup>1</sup>	
SQL-86	Primeira publicación feita por ANSI. Confirmada por ISO en 1987.
SQL-89, ou SQL1	Supón unha revisión menor da norma anterior
SQL-92, ou SQL2	Supón unha revisión importante, con normas máis rixidas. Mentres que o estándar orixinal de 1986 ocupaba menos de 100 páxinas, o estándar oficial SQL2, ou SQL-92, ocupou case 600.
SQL-99 ou SQL3	Incorpora a utilización de <i>triggers</i> ou disparadores, novos tipos de datos e novas características enfocadas á programación orientada a obxectos.
Revisións dos anos 2003, 2005, 2008 e 2011	Centran a maioría dos esforzos en introducir algunhas características de XML, definindo a maneira en que SQL pode ser utilizado conxuntamente co XML.

A pesar destas normas de estandarización, cada fabricante de SXBDR incorpora o seu propio dialecto SQL co fin de ofertar un produto que o diferencie dos seus competidores e incluso chega a poñerlle un nome diferente. Exemplos:

- Access SQL de Microsoft Access
- Tansact SQL de Microsoft SQL Server
- PL/SQL de Oracle
- MySQL de MySQL
- PostgreSQL de PostgreSQL

#### 1.2.2.5 Formas de utilizar SQL

SQL é unha linguaxe declarativa de alto nivel, é dicir, non procedimental. Isto significa que as sentenzas SQL especifican o que se quere obter, pero non a forma de conseguilo. A orde interna na que se executan as operacións asociadas a unha sentenza SQL é establecida polo optimizador de consultas do SXBD. As sentenzas SQL poden utilizarse:

- Escribindo directamente as sentenzas coa axuda dun cliente en modo texto, en modo gráfico, ou na pantalla dun terminal interactivo; o servidor devolve o resultado da petición.
- Gardando un conxunto de sentenzas nun ficheiro de ordes (*scripts*), que se executan todas seguidas de forma secuencial.
- Escribindo as sentenzas de SQL incluídas (embebidas) en programas escritos con distintas linguaxes de programación como PHP, Java ou C#.

#### 1.2.2.6 Conexión a un servidor MySQL.

Para conectarse a un servidor de MySQL é necesario empregar algunha aplicación cliente que establece a conexión utilizando os parámetros que lle pasa o usuario. Os parámetros que necesita a aplicación cliente son: o nome do servidor ou a IP que identifica ao equipo na rede (por defecto, *localhost*), o porto no que o servidor escoita as peticións (por defecto, 3306), o nome de usuario que se conecta (por defecto, *root*), e a súa contrasinal (por defecto, sen contrasinal). As aplicacións cliente máis empregadas para conectase a un servidor MySQL e executar as sentenzas SQL son as seguintes:

- MySQL Workbench:

---

<sup>1</sup> As copias impresas dos estándares SQL teñen restricións de copyright. Pódense atopar á venda na páxina web de [ANSI](#), seleccionando 'Access Standards', e en 'Standards Store' buscar (*search*): "SQL Language."

Cando se executa, hai que seleccionar o servidor co que se quere establecer a conexión, e ábrese un entorno gráfico no que se mostra información do servidor. Permite escribir sentenzas SQL mediante un editor, para ser enviadas ao servidor. Para máis información sobre o seu funcionamento, débese utilizar o manual de referencia ou ben a guía básica de funcionamento de MySQL Workbench incluída no material auxiliar desta actividade.

- Consola modo texto `mysql.exe`:

- No caso de ter instalado Wampserver, hai que abrir o menú de Wampserver e seleccionar 'MySQL console' no submenú de MySQL. Ábrese unha consola en modo texto que solicita introducir o contrasinal do usuario *root*. Unha vez introducido o contrasinal, móstrase o prompt *mysql>* que indica que está establecida a conexión co servidor e xa se poden empezar a escribir sentenzas para que o servidor as execute.

As sentenzas SQL que se executen nesta consola estarán completas cando terminen en punto e coma. Pódense escribir sentenzas que ocupen varias liñas. Se pulsa a tecla *Intro* e a liña non finaliza en punto e coma, mostrarase o prompt *->* que indica que a sentenza continúa. Mentres non se envíe o punto e coma, non se considera que a sentenza estea completa e non é executada polo servidor.

- No caso de non ter instalado Wampserver, hai que abrir unha consola de ordes do sistema e executar a utilidade cliente *mysql.exe* que está no directorio *bin* que se atopa no directorio de instalación de MySQL (en Windows é normalmente, *c:\Program Files\MySQL\MySQL version*).

- Aplicación web phpMyAdmin:

- No caso de ter instalado Wampserver, hai que abrir o menú e seleccionar a opción phpMyAdmin.
- No caso de non ter instalado Wampserver, hai que abrir un navegador e teclear a url coa identificación do servidor web no que está instalado phpMyAdmin. Exemplos de url: *http://localhost/phpMyAdmin* (no caso que phpMyAdmin estea instalado nun servidor web no equipo local), *http://proveedor\_web.com/phpMyAdmin* (no caso que phpMyAdmin estea instalado no servidor proveedor\_web.com).



### Tarefa1. Conexión cun servidor MySQL.


Aparte de poder conectarse co servidor empregando as anteriores aplicacións cliente, tamén se pode facer dende os programas de aplicación que van a procesar os datos das bases de datos, incluíndo as sentenzas de conexión no código dos programas. No seguinte exemplo móstrase unha maneira de establecer a conexión dende un programa escrito en PHP:

```
<?php
$servidor = 'localhost:3306';
$usuario = 'root';
$contrasinal = '';
$basedatos = 'prueba_php';
/* instanciar a clase para crear un novo obxecto de conexión */
$conexion = new mysqli($servidor, $usuario, $contrasinal, $basedatos);
if (mysqli_connect_errno())
{
    echo '<p class="erro">Erro: Fallo na conexión co servidor ' .
        $servidor . ' ou coa base de datos: ' . $basedatos . ': ' .
        mysqli_connect_error() . '</p>';
    exit(); }
/* Aquí iría o código para manipular os datos da base de datos */
$conexion->close();
?>
```



### 1.2.2.7 Forma básica das sentenzas SQL

A linguaxe SQL consta dun conxunto de sentenzas. Cada sentenza indica unha acción específica a realizar por parte do SXBD, tal como a creación dunha nova táboa, a consulta de datos dunha ou máis táboas, ou a inserción de novos datos na base de datos.



Todas as sentenzas SQL teñen a mesma estrutura:

- Empezan cun verbo, que é unha palabra clave que indica a acción que ten que executar o SXBD. Algúns destes verbos son: CREATE, INSERT, DELETE, ou SELECT.
- A sentenza continúa cunha ou máis cláusulas. Unha cláusula pode especificar os datos sobre os que debe actuar a sentenza, ou proporcionar máis detalles acerca da forma en que se ten que executar. Todas as cláusulas empezan tamén cunha palabra clave, tal como WHERE, FROM, INTO e HAVING e van seguidas de expresións, nomes de táboas ou nomes de columnas. Algunhas cláusulas teñen que aparecer de forma obrigatoria na sentenza, pero outras son opcionais.


O estándar SQL ANSI/ISO especifica as palabras clave da linguaxe SQL que se utilizan como verbos ou como cláusulas das sentenzas. Ademais, establece que estas palabras clave non poden ser empregadas para designar obxectos da base de datos, tales como táboas, vistas, columnas ou usuarios. Moitos dialectos de SQL suavizan esta restrición, pero é recomendable evitar o uso de palabras clave ao nomear táboas, columnas, ou calquera outro obxecto da base de datos.

### 1.2.2.8 Notación para a sintaxe

SQL, do mesmo xeito que outras linguaxes, está formada por un conxunto de palabras e un conxunto de normas de sintaxe para a construción das sentenzas. A notación empregada nos manuais para a explicación da sintaxe das sentenzas resúmese na seguinte táboa.

Resumo de notacións utilizadas na sintaxe das sentenzas SQL	
MAIÚSCULAS	O texto escrito en maiúsculas representa palabras reservadas, que non poden ser utilizadas para outros fins. Á hora de escribir a sentenza non se diferencia entre minúsculas e maiúsculas
Minúsculas	Representan partes da instrución nas que temos que substituír a palabra ou frase escrita en minúsculas polo que representa
[ texto ]	A parte da sentenza encerrada entre corchetes é optativa
{opción1   opción2 }	Representa unha alternativa. Ao escribir a instrución tense que elixir unha das opcións encerradas entre as chaves, que van separadas por barras verticais (   )
...	Tres puntos seguidos indican que a parte da sentenza que está inmediatamente antes deles, pódese repetir varias veces

No seguinte exemplo de sintaxe, as palabras CREATE, DATABASE, SCHEMA, IF, NOT, e EXISTS son palabras reservadas que non se poden utilizar noutro lugar da sentenza diferente ao que aparecen na norma de sintaxe.



A escritura das sentenzas SQL pode facerse en maiúsculas, minúsculas ou nunha combinación de ambas.

### 1.2.2.9 Comentarios en SQL

Os comentarios poden formar parte dunha sentenza SQL e non serán executados polo servidor. Poden estar delimitados ou non e ocupar unha liña ou máis dunha. Os símbolos utilizados para definir comentarios nun *script* de SQL ou nunha sentenza, son os que se mostran na seguinte táboa.

Símbolos para definir comentarios	
--	Dous guións ao comezo dunha liña indican que esa liña sexa interpretada como un comentario
#	O símbolo # indica que o texto que hai dende el ata o final da liña sexa interpretado como un comentario
/* texto */	Define o texto como comentario. O texto pode ocupar varias liñas

Exemplo de código con comentarios:

```
-- Script de creación da estrutura da base de datos horas_extra
create schema if not exists /* só no caso de non existir */ horas_extra;
/* Forma de comentario que ocupa máis dunha liña,
ou cando se quere inserir o comentario no medio dunha sentenza */
use empresa; # Selección da base de datos empresa
```

Así se verían os comentarios no editor de MySQL Workbench:

```
1 -- Script de creación da estrutura da base de datos horas_extra
2 • create schema if not exists /* só no caso de non existir */ horas_extra;
3  /* Forma de comentario que ocupa mais dunha liña,
4  ou cando se quere inserir o comentario no medio dunha sentencia */
5 • use empresa; # Selección da base de datos empresa
```

MySQL permite utilizar os símbolos /\* e \*/ propios dos comentarios para definir sentenzas executables. Esta utilización debe facerse con precaución para non ter problemas ao executar arquivos de scripts de MySQL noutros SXBDR.

Utilización especial dos comentarios en MySQL	
/*! código_MySQL */	En MySQL, interprétase o código como unha sentenza executable e executase; no resto de servidores, interprétase como comentario
/*!version código_MySQL */	En MySQL, interprétase o texto como unha sentenza executable e executase nun servidor cunha versión igual ou superior á versión especificada; no resto de servidores, interprétase como comentario

Exemplo de código e vista do mesmo editado en MySQLWorkbench:

```
/*! create database empresa */;
/*!50021 use empresa */;
create /*!32302 temporary */ table proba (columna integer);
```

```
1 • /*! create database empresa */;
2 • /*!50021 use empresa */;
3 • create /*!32302 temporary */ table proba (columna integer);
```

### 1.2.3 Linguaxe de definición de datos

A linguaxe de definición de datos, LDD ou DDL, está formada polo conxunto de instrucións do SQL que permiten ao administrador crear o esquema da base de datos e facer os cambios necesarios, no seu esquema, unha vez que está creada. Permite crear, modificar e suprimir bases de datos, táboas e índices. O núcleo da LDD está baseado en tres verbos de SQL:

- CREATE, que define e crea un obxecto da base de datos.
- DROP, que elimina un obxecto existente na base de datos.
- ALTER, que modifica a definición dun obxecto existente na base de datos.

#### 1.2.3.1 Consulta do dicionario de datos dun servidor MySQL

O dicionario de datos ou catálogo, garda información sobre os obxectos almacenados no servidor. O que se coñece como metadatos (datos sobre os datos).

Cando se instala MySQL créanse automaticamente catro bases de datos: *mysql*, *information\_schema*, *performance\_schema* e *test*. As dúas primeiras gardan información dos metadatos.

O estándar ANSI/ISO SQL:2003 no apartado referido ao esquema (*Part 11 'Schemata'*) define a estrutura das táboas da base de datos *information\_schema* que facilita a consulta dos metadatos. Son táboas de só lectura.


Para consultar información sobre os metadatos, MySQL dispón dun conxunto propio de sentenzas identificadas co nome SHOW, e ademais, a partir da versión 5.0.2 está dispoñible a base de datos *information\_schema* que lle permite adaptarse á norma ANSI SQL.

Todos os usuarios de MySQL teñen permiso para acceder ás táboas da base de datos *information\_schema*, pero só poderán ver aquelas filas correspondentes a obxectos sobre os que teñan permisos.

Exemplo de consulta dos metadatos nun servidor de MySQL. Para ver os nomes das bases de datos creadas nun servidor pódense utilizar dúas opcións:

- Executar a sentenza SHOW DATABASES que só funciona en MySQL.  
`show databases;`

O resultado de executar a sentenza será unha lista cos nomes das bases de datos creadas no servidor.



- Consultar a táboa SCHEMATA da base de datos *information\_schema*.

1 • `SELECT * FROM information_schema.SCHEMATA;`

CATALOG_NAME	SCHEMA_NAME	DEFAULT_CHARACTER_SET_NAME	DEFAULT_COLLATION_NAME	SQL_PATH
def	information_schema	utf8	utf8_general_ci	NULL
def	moodle	utf8	utf8_unicode_ci	NULL
def	mysql	utf8	utf8_general_ci	NULL
def	performance_schema	utf8	utf8_general_ci	NULL
def	proba	utf8	utf8_general_ci	NULL
def	test	utf8	utf8_general_ci	NULL

Cando se traballa utilizando clientes gráficos como MySQL Workbench ou PHPMyAdmin, ao establecer a conexión, móstranse os nomes das bases de datos. No caso de MySQL Workbench, as táboas e outros obxectos relacionados coa base de datos, móstranse na zona de navegación.

### 1.2.3.2 Nomes dos obxectos

Tódolos manuais de referencia dos SXBDR teñen especificadas as normas para nomear os obxectos do esquema das bases de datos: base de datos, táboas, índices, columnas, desencadeadores, ou procedementos almacenados. Resumo das normas para nomear obxectos en MySQL:

- Lonxitude máxima de caracteres para o nome: 64.
- Caracteres permitidos: calquera letra do alfabeto inglés (sen ñ nin acentos) tanto en minúscula como en maiúsculas, números e os caracteres especiais `_` e `$`. Pódese empregar, aínda que non se recomenda, o acento grave (```) para delimitar nomes de obxectos con caracteres non permitidos.
- Dentro dunha mesma base de datos non pode haber nomes de táboas repetidas. Para facer referencia a unha táboa dunha determinada base de datos, pódese utilizar a expresión: `nome_base_de_datos.nome_táboa`.
- Dentro dunha mesma táboa non pode haber nomes de columnas repetidas. Para facer referencia a unha columna dunha determinada táboa, pódese utilizar a expresión: `nome_táboa.nome_columna`.

### 1.2.3.3 Base de datos

#### Creación dunha base de datos

A sintaxe da sentenza para a creación da base de datos é:

```
CREATE {DATABASE | SCHEMA} [IF NOT EXISTS] nome_da_base [opcións_de_creación] ...
```

- DATABASE e SCHEMA son sinónimos. Pódese utilizar calquera das dúas opcións.
- Cando se utiliza a parte optativa IF NOT EXISTS, créase a base de datos no caso de que non exista; se existe, móstrase unha mensaxe de advertencia (*warning*). Se non se pon esta opción, prodúcese un erro no caso de que a base de datos exista.
- O `nome_da_base` debe cumprir as normas vistas para nomear obxectos.
- As posibles opcións de creación son:

```
[DEFAULT] CHARACTER SET [=] nome_xogo_caracteres
```

```
[DEFAULT] COLLATE [=] nome_sistema_ordenación
```

- A cláusula CHARACTER SET establece o conxunto de caracteres por defecto para as táboas que se crean nesa base de datos; no caso de non especificalo, tomarase o que ten definido por defecto na configuración do servidor.

Para ver os xogos de caracteres permitidos en MySQL, pódese executar a sentenza:

```
show character set;
```

Ao executar esta sentenza, móstrase unha táboa que contén catro columnas: o nome do xogo de caracteres, a descrición, o sistema de colación por defecto e a lonxitude máxima en bytes por cada carácter. Exemplo de captura dos resultados mostrados:

Charset	Description	Default collation	Maxlen
latin1	cp1252 West European	latin1_swedish_ci	1
latin2	ISO 8859-2 Central European	latin2_general_ci	1
tis620	TIS620 Thai	tis620_thai_ci	1
latin5	ISO 8859-9 Turkish	latin5_turkish_ci	1
utf8	UTF-8 Unicode	utf8_general_ci	3
latin7	ISO 8859-13 Baltic	latin7_general_ci	1
utf8mb4	UTF-8 Unicode	utf8mb4_general_ci	4
utf16	UTF-16 Unicode	utf16_general_ci	4

Os xogos de caracteres nacionais requiren un byte para cada carácter. O xogo de caracteres Unicode (utf8, utf16 e utf32), que permiten gardar texto en calquera alfabeto ou conxunto de caracteres do mundo, poden necesitar máis espazo. Por exemplo, en MySQL o xogo de caracteres utf8 pode ser: utf8 e utf8mb4; o primeiro utiliza dende un ata tres bytes por carácter e o segundo utiliza dende un ata catro bytes por carácter.

- A cláusula COLLATE establece o conxunto de regras para comparar caracteres. Para ver os sistemas de colación permitidos en MySQL, pódese executar a sentenza:

```
show collation;
```

Collation	Charset	Id	Default	Compiled	Sortlen
latin1_general_ci	latin1	48	Yes	Yes	1
latin1_general_cs	latin1	49		Yes	1
latin1_german1_ci	latin1	5		Yes	1
latin1_german2_ci	latin1	31		Yes	2
latin1_spanish_ci	latin1	94		Yes	1
latin1_swedish_ci	latin1	8	Yes	Yes	1
latin2_bin	latin2	77		Yes	1
latin2_croatian_ci	latin2	27		Yes	1

No caso de non especificar ningún sistema de colación de maneira explícita, o sistema colle o que corresponde por defecto ao xogo de caracteres elixido.

Exemplo de creación dunha base de datos:

```
create database if not exists proba
default character set utf8
default collate utf8_spanish_ci;
```

Esta sentenza crea a base de datos chamada *proba*, co xogo de caracteres por defecto *utf8* e o sistema de colación (utilizado para comparacións) *utf8\_spanish\_ci*. Os obxectos que se crean nesa base de datos utilizarán ese xogo de caracteres e ese sistema de comparación, se non se especifica ningún outro no momento da creación do obxecto.



Tarefa 2. Crear bases de datos empregando a sentenza CREATE.

## Poñer en uso unha base de datos

A sintaxe da sentenza para seleccionar unha base de datos e poder traballar con ela é:

```
USE nome_da_base
```


Todas as sentenzas que se executen despois da sentenza USE afectan só a esa base de datos. Exemplo:

```
use proba;
```

Tamén se poden cualificar os nomes dos obxectos afectados por unha sentenza indicando de maneira explícita o nome da base de datos á que vai a afectar a sentenza, engadíndolle o nome da base de datos diante do nome do obxecto. Exemplo: practicas1.grupo fai referencia o obxecto *grupo* que pertence a base de datos *practicas1*.

Cando se traballa utilizando MySQL Workbench como cliente gráfico, pódese poñer en

uso unha base de datos pinchando dúas veces sobre o nome da base de datos na zona de navegación. O nome da base de datos en uso aparece destacado en letra negra.



 Tarefa 3. Poñer en uso as bases de datos empregando a sentenza USE.

### Borrar unha base de datos

A sintaxe da sentenza para borrar unha base de datos é:

```
DROP DATABASE [IF EXISTS] nome_da_base
```

Cando se borra unha base de datos, bórranse todos os obxectos que contén a base de datos e non se poden recuperar. Exemplo:

```
drop database if exists proba;
```

 Tarefa 4. Borrar bases de datos empregando a sentenza DROP.

## 1.2.3.4 Táboa

### Creación dunha táboa

Para crear unha táboa, hai que darlle un nome, definir as columnas que vai a ter e elixir as opcións da táboa e particionamento. Sintaxe resumida para MySQL:

```
CREATE [TEMPORARY] TABLE nome_táboa  
(  
  nome_columna tipo_de_dato [propiedades_da_columna] [, ...]  
)  
[opcións_de_táboa] [opcións_de_partición]
```

- TEMPORARY é opcional, e permite crear una táboa temporal mentres dura a sesión.
- A definición de cada columna consiste en darlle un nome, asignarlle un tipo de dato e asociarlle as restricións necesarias. As dúas primeiras partes (nome e tipo) son obrigatorias.

Os SXBDR soportan un gran número de tipos de datos divididos en varias categorías: numéricos, data e hora, e cadeas de caracteres. Ver o apartado "Tipos de datos en MySQL" que se explica máis adiante.

Para definir as propiedades da columna, pódense utilizar as cláusulas:

- NOT NULL, non permite que a columna tome o valor nulo (descoñecido).
- NULL, permite que a columna tome o valor nulo.
- UNSIGNED, permite almacenar só valores positivos en columnas de tipo numérico.
- ZEROFILL, enche con zeros pola esquerda as columnas de tipo numérico.
- BINARY, diferenza entre maiúsculas e minúsculas en columnas de tipo cadea de caracteres.

- **DEFAULT** *valor*, indica o valor por defecto para a columna, no caso de non asignarlle ningún valor cando se engade unha fila á táboa. Está permitido utilizar algúns valores proporcionados por funcións do sistema no lugar de valores constantes definidos polo usuario. Por exemplo, **USER** para referirse ao usuario que estableceu a conexión, ou **CURRENT\_TIMESTAMP** para referirse á data e hora actual.
  - **AUTO\_INCREMENT**, indica que o valor que toma a columna é calculado polo sistema caso de non asignarlle ningún valor á columna ou en caso de asignarlle o valor nulo. O sistema calcula o valor sumándolle 1 ao valor que toma a columna para a última fila engadida.
  - **PRIMARY KEY**, define a columna como clave primaria. Tamén se pode definir como clave primaria creando unha restrición.
- Algunhas opcións de táboa son:
- ```
[DATA DIRECTORY= 'directorio']
[INDEX DIRECTORY= 'directorio']
[{ENGINE | TYPE} = {ISAM, MyISAM, InnoDB, ...}]
[[DEFAULT] CHARACTER SET nome_xogo_carácteres]
[COLLATE nome_sistema_colación]]
[AUTO_INCREMENT = número],
[COMMENT texto]
```
- **DATA DIRECTORY** e **INDEX DIRECTORY**, especifican as rutas absolutas nas que se almacenan os datos e os índices.
  - **ENGINE**, indica o motor de almacenamento asociado á táboa (**TYPE** está en desuso nas últimas versións). Ver o apartado "Motores de almacenamento en MySQL" que se explica máis adiante.
  - **CHARACTER SET** e **COLLATE**, permiten establecer o conxunto de caracteres por defecto para as columnas que se crean nesa táboa, e a forma en que se ordenan e comparan os caracteres.
  - **AUTO\_INCREMENT**, indica o número de comezo para a columna de tipo autoincremental.
- As opcións de particionamento explicaranse no apartado "Táboas particionadas".

Exemplo de código para crear unha táboa sinxela na base de datos *practicasi*:

```
create table test.fotografia      # nome de táboa cualificado
( id          integer unsigned not null auto_increment,
  titulo      varchar(60) not null default 'sen título',
  autor       varchar(60) not null comment 'Apelidos e nome do autor ou autores',
  data        date null comment 'Data en que foi tomada',
  primary key (id)
) engine = InnoDB;
```

## Tipos de datos en MySQL

A elección do tipo de columna faise en función dos datos que se queren almacenar nela. MySQL soporta unha gran cantidade de tipos de datos; a maioría cumpren o estándar ANSI e outros son propios de MySQL. A seguinte táboa contén un resumo dos tipos de datos extraído do manual de referencia de MySQL.

| Resumo dos tipos de datos para MySQL, e atributos que poden ter asociadas |          |                                                                                                                                                                                                                                                              |
|---------------------------------------------------------------------------|----------|--------------------------------------------------------------------------------------------------------------------------------------------------------------------------------------------------------------------------------------------------------------|
| Numéricos                                                                 | Enteiros | TINYINT[(tamaño)] [UNSIGNED] [ZEROFILL]<br>SMALLINT[(tamaño)] [UNSIGNED] [ZEROFILL]<br>MEDIUMINT[(tamaño)] [UNSIGNED] [ZEROFILL]<br>INT[(tamaño)] [UNSIGNED] [ZEROFILL]<br>INTEGER[(tamaño)] [UNSIGNED] [ZEROFILL]<br>BIGINT[(tamaño)] [UNSIGNED] [ZEROFILL] |

|                      |              |                                                                                                                                                                                                                                                                         |
|----------------------|--------------|-------------------------------------------------------------------------------------------------------------------------------------------------------------------------------------------------------------------------------------------------------------------------|
|                      | Non enteiros | REAL[(tamaño,decimais)] [UNSIGNED] [ZEROFILL]<br>DOUBLE[(tamaño,decimais)] [UNSIGNED] [ZEROFILL]<br>FLOAT[(tamaño,decimais)] [UNSIGNED] [ZEROFILL]<br>DECIMAL(tamaño,decimais) [UNSIGNED] [ZEROFILL]<br>NUMERIC(tamaño,decimais) [UNSIGNED] [ZEROFILL]<br>BIT[(tamaño)] |
| Data e hora          |              | DATE<br>TIME<br>TIMESTAMP<br>DATETIME                                                                                                                                                                                                                                   |
| Cadeas de caracteres |              | CHAR(tamaño) [BINARY   ASCII   UNICODE]<br>VARCHAR(tamaño) [BINARY]<br>BINARY(tamaño)<br>VARBINARY(tamaño)<br>TINYBLOB<br>BLOB<br>LONGBLOB<br>TINYTEXT [BINARY]<br>TEXT [BINARY]<br>MEDIUMTEXT [BINARY]<br>LONGTEXT [BINARY]                                            |
| Outros tipos         |              | ENUM(valor1,valor2, valor3,...)<br>SET(valor1,valor2,valor3,...)                                                                                                                                                                                                        |

As seguintes táboas conteñen resumos extraídos do manual de referencia de MySQL sobre o almacenamento requirido para algúns tipos de datos. No caso dos datos de tipo enteiro, móstrase o rango de valores posibles tanto para os enteiros con signo coma sen signo.

| Resumo de tipos enteiros para MySQL                    |                                                                                                                                                                                                                                                                                                                                                          |                                    |                                             |
|--------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------|---------------------------------------------|
| Tipo                                                   | Bytes                                                                                                                                                                                                                                                                                                                                                    | Valor mínimo con signo e sen signo | Valor máximo con signo e sen signo          |
| TINYINT                                                | 1                                                                                                                                                                                                                                                                                                                                                        | -128<br>0                          | 127<br>255                                  |
| SMALLINT                                               | 2                                                                                                                                                                                                                                                                                                                                                        | -32768<br>0                        | 32767<br>65535                              |
| MEDIUMINT                                              | 3                                                                                                                                                                                                                                                                                                                                                        | -8388608<br>0                      | 8388607<br>16777215                         |
| INT                                                    | 4                                                                                                                                                                                                                                                                                                                                                        | -2147483648<br>0                   | 2147483647<br>4294967295                    |
| BIGINT                                                 | 8                                                                                                                                                                                                                                                                                                                                                        | -9223372036854775808<br>0          | 9223372036854775807<br>18446744073709551615 |
| Resumo doutros tipos numéricos non enteiros para MySQL |                                                                                                                                                                                                                                                                                                                                                          |                                    |                                             |
| Tipo                                                   | Almacenamento requirido                                                                                                                                                                                                                                                                                                                                  |                                    |                                             |
| FLOAT(p)                                               | 4 bytes se 0 <= p <= 24, 8 bytes se 25 <= p <= 53                                                                                                                                                                                                                                                                                                        |                                    |                                             |
| FLOAT                                                  | 4 bytes                                                                                                                                                                                                                                                                                                                                                  |                                    |                                             |
| DOUBLE [PRECISION], REAL                               | 8 bytes                                                                                                                                                                                                                                                                                                                                                  |                                    |                                             |
| DECIMAL(M,D), NUMERIC(M,D)                             | Dende MySQL 5.0.3, os valores para columnas DECIMAL máis longos represéntanse usando un formato binario que empaqueta nove díxitos decimais en catro bytes. O almacenamento para a parte enteira e decimal determináanse separadamente. Cada múltiplo de nove díxitos require catro bytes, e o dígito "de resto" require algunha fracción de catro bytes |                                    |                                             |
| BIT(M)                                                 | Aproximadamente (M + 7)/8 bytes<br>Para especificar valores tipo bit, para os valores pódese usar a notación b'value'. Exemplo: b'1101'                                                                                                                                                                                                                  |                                    |                                             |
| Resumo de tipos data e hora para MySQL                 |                                                                                                                                                                                                                                                                                                                                                          |                                    |                                             |
| Tipo                                                   | Almacenamento requirido                                                                                                                                                                                                                                                                                                                                  |                                    |                                             |
|                                                        | Ata a versión MySQL 5.6.4                                                                                                                                                                                                                                                                                                                                | Dende a versión MySQL 5.6.4        |                                             |
| DATE                                                   | 3 bytes                                                                                                                                                                                                                                                                                                                                                  | 3 bytes                            |                                             |



| DATETIME                                              | 8 bytes                                                                                                                                                        | 5 bytes + parte fraccionaria (1 byte cada dous díxitos de precisión) |
|-------------------------------------------------------|----------------------------------------------------------------------------------------------------------------------------------------------------------------|----------------------------------------------------------------------|
| TIMESTAMP                                             | 4 bytes                                                                                                                                                        | 4 bytes + parte fraccionaria (1 byte cada dous díxitos de precisión) |
| TIME                                                  | 3 bytes                                                                                                                                                        | 3 bytes + parte fraccionaria (1 byte cada dous díxitos de precisión) |
| YEAR                                                  | 1 byte                                                                                                                                                         | 1 byte                                                               |
| <b>Resumo de tipos cadea de caracteres para MySQL</b> |                                                                                                                                                                |                                                                      |
| Tipo                                                  | Almacenamento requerido                                                                                                                                        |                                                                      |
| CHAR(M), BINARY(M)                                    | M bytes, 0 <= M <= 255                                                                                                                                         |                                                                      |
| VARCHAR(M), VARBINARY(M)                              | L+1 bytes, se M está entre 0 e 255, e L+2 se M é maior que 255<br>L representa o número de caracteres da cadea que garda. A lonxitude máxima é de 65.532 bytes |                                                                      |
| TINYBLOB, TINYTEXT                                    | L +1 byte, onde L < 2^8                                                                                                                                        |                                                                      |
| BLOB, TEXT                                            | L +2 bytes, onde L < 2^16                                                                                                                                      |                                                                      |
| MEDIUMBLOB, MEDIUMTEXT                                | L + 3 bytes, onde L < 2^24                                                                                                                                     |                                                                      |
| LONGBLOB, LONGTEXT                                    | L +4 bytes, onde L < 2^32                                                                                                                                      |                                                                      |
| ENUM('value1','value2',...)                           | 1 o 2 bytes, dependendo do número de valores da enumeración (65.535 valores como máximo)                                                                       |                                                                      |
| SET('value1','value2',...)                            | 1, 2, 3, 4, o 8 bytes, dependendo do número de membros do conxunto (64 membros como máximo)                                                                    |                                                                      |

Algunhas consideracións sobre estes tipos:

- MySQL soporta os tipos do estándar SQL para valores de tipo enteiro, INTEGER (ou INT) e SMALLINT. Como unha extensión ao estándar, MySQL engade os tipos TINYINT, MEDIUMINT e BIGINT.

MySQL soporta unha extensión que permite especificar o ancho en pantalla dos datos de tipo enteiro, poñendo entre parénteses un número que representa o ancho de pantalla para a columna. O ancho de pantalla non limita o rango de valores que se poden almacenar na columna. Cando se utiliza o ancho de pantalla en combinación coa opción ZEROFILL, o recheo con ceros pola esquerda para cantidades con menos díxitos que os especificados como ancho de pantalla, faise ata o tamaño do ancho de pantalla. Exemplo:

```
fillos tinyint(2) unsigned zerofill
```

A columna *fillos* almacena valores numéricos enteiros que poden tomar valores entre 0 e 255, pero o 2 indica o ancho de pantalla que pode ser utilizado polas aplicacións que manexan o dato. Se toma o valor 3, móstrase como 03.

- Para poder almacenar valores numéricos con cifras decimais exactas, tamén coñecidos de coma fixa, MySQL dispón dos tipos de datos que son sinónimos, DECIMAL (ou DEC), e NUMERIC. Sintaxe:

```
DECIMAL (m, d)
```

- m* é o número máximo de cifras en total (a escala). O rango permitido é de 1 a 65.
- d* é o número de cifras despois de la coma (a precisión). O rango permitido é de 0 a 30 e non pode tomar un valor maior que *m*.

Se non se especifica o tamaño, o valor por defecto para *m* é 10, e para *d* é 0. Exemplo:

```
salario decimal(7,2)
```

A columna *salario* almacena valores numéricos que poden ter un máximo de 7 díxitos, e o 2 indica que poden ter dous decimais. O rango de valores permitido é de -99999.99 a 99999.99.

- Para almacenar valores decimais aproximados, tamén coñecidos como de coma flotante, MySQL dispón dos tipos FLOAT (para simple precisión) e DOUBLE (para dobre precisión).
- Dende MySQL 5.0.3, o tipo de datos BIT pode usarse para gardar valores dun bit. Un tipo BIT(M) permite o almacenamento de valores de M-bit. M ten un rango de 1 a 64. Para especificar valores bit, pódese usar a notación b'value'. A palabra *value* representa un valor binario escrito usando ceros e uns. Exemplo, b'111' e b'100000000' representan 7 e 128, respectivamente.

Cando se asigna un valor a unha columna BIT(M) con menos de M bits, o valor complétase pola esquerda con ceros. Exemplo, ao asignar un valor b'101' a unha columna BIT(6) é o mesmo que asignar b'000101'.

En versións anteriores, o tipo BIT era equivalente a un TINYINT.

- Para poder almacenar valores que representen datas e horas, MySQL dispón dos tipos DATE, TIME, DATETIME e TIMESTAMP.
  - O tipo DATE utilízase para almacenar datas co formato 'AAAA-MM-DD'. O rango permitido é '1000-01-01' a '9999-12-31'. Admite utilizar guión (-) ou barra como separador (/), ou ben, omitir o separador.
  - O tipo TIME utilízase para representar horas. Ten o formato HH:MM:SS[.fracción].
  - Os tipos DATETIME e TIMESTAMP utilízanse para valores que conteñen data e hora co formato 'AAAA-MM-DD HH:MM:SS[.fracción]'. O rango permitido para o tipo DATETIME é '1000-01-01 00:00:00' a '9999-12-31 23:59:59', e para o tipo TIMESTAMP é '1970-01-01 00:00:01' a '2038-01-19 03:14:07'. Admítese utilizar guión (-) ou barra como separador (/) para a data.
  - A partir da versión MySQL 5.6.4, os tipos TIME, DATETIME e TIMESTAMP teñen a posibilidade de gardar fraccións de segundo ata o microsegundo (6 díxitos) como máxima precisión. Hai que indicar o número de decimais entre parénteses a continuación do nome do tipo. Exemplo:

```
nome_columna timestamp(2)
```

O 2 que vai entre parénteses indica que ten unha precisión de décimas de segundo.

- O tipo YEAR ocupa 1 byte e é usado para representar valores de anos. Pode ser declarado como YEAR(4) ou como YEAR(2).
- Os tipos CHAR e VARCHAR permiten almacenar cadeas de caracteres e diferéncianse no tipo de lonxitude (o primeiro ten lonxitude fixa e o segundo ten lonxitude variable) e na lonxitude máxima para as columnas (para o tipo CHAR é 255 caracteres e para o tipo VARCHAR é de 65532). Este tipo de columnas non diferencian entre minúsculas e maiúsculas, a non ser que se lles asocie a opción BINARY.

Para o tipo VARCHAR, os requirimentos de almacenamento dependen da lonxitude da cadea almacenada e o valor que vai entre parénteses representa a lonxitude máxima que pode ter a cadea, en caracteres. Exemplo:

| Tipo de columna | Valor asignado | Bytes que ocupa |
|-----------------|----------------|-----------------|
| CHAR(30)        | 'pepe'         | 30              |
| VARCHAR(30)     | 'pepe'         | 5               |

O tipo VARCHAR aproveita mellor o espazo de almacenamento, pero ten como contrapartida que require máis tempo de proceso do servidor.

- Os tipos BINARY e VARBINARY son similares a CHAR e VARCHAR, pero almacénanse como cadeas de caracteres binarias. Conteñen cadeas de bytes, en lugar de cadeas de caracteres, polo que diferencian as minúsculas das maiúsculas.

- Os tipos BLOB e TEXT son de lonxitude variable e permiten tratar unha gran cantidade de datos variables. As columnas tipo BLOB trátanse como cadeas de caracteres binarias (de byte). As columnas tipo TEXT trátanse como cadeas de caracteres non binarias (de caracteres). Cada valor BLOB ou TEXT represéntase internamente como un obxecto a parte.

As columnas tipo BLOB non teñen conxunto de caracteres e ordénanse e compáranse baseándose nos valores numéricos dos bytes.

Hai catro tipos BLOB e catro tipos TEXT que se diferencian entre eles só na lonxitude máxima dos valores que poden tratar.

- Tipos BLOB: TINYBLOB, BLOB, MEDIUMBLOB e LONGBLOB.
- Tipos TEXT: TINYTEXT, TEXT, MEDIUMTEXT e LONGTEXT.

As columnas tipo BLOB son obxectos binarios que poden almacenar calquera tipo de información, dende un arquivo de texto, una imaxe, arquivos de son ou vídeo.

- Os tipos ENUM e SET representan unha cadea de caracteres á que se engade unha restrición de valor, indicando entre parénteses a lista de valores permitidos separados por comas. No caso de ENUM, só pode almacenar un deses valores; no caso de SET, pode almacenar máis dun deses valores. Exemplos:

```
talla enum('superpequena','pequena','mediana','grande','supergrande')
aficions set('deporte','fotografía','lectura','maquetismo')
```

- A columna *talla* pode almacenar unicamente algún dos cinco valores representados na lista, ou ben o valor nulo. Pode estar asociada a un campo tipo *radio* dun formulario HTML.
- A columna *aficions* pode almacenar un ou máis dos valores da lista. Pode estar asociada a un campo tipo *checkbox* dun formulario HTML.

Estes tipos de columnas funcionan dunha maneira similar aos *strings* de cadeas de caracteres. Internamente almacénanse como valores enteiros que representan a posición do valor dentro da lista, o que supón un importante aforro de espazo de almacenamento. Exemplo: Se a táboa na que está a columna *talla* tivese un millón de filas que toman o valor 'mediana' nesa columna, requírense 1 millón de bytes de almacenamento, en lugar dos 8 millóns que se utilizarían para almacenar o valor 'mediana' se a columna fose definida como tipo VARCHAR.

A elección do tipo de columna é unha tarefa delicada que require prestarlle atención antes de empezar a crear as táboas. Hai que ter en conta dous factores que poden influír na decisión: o espazo de almacenamento utilizado polo tipo de columna e o tempo de proceso que require o servidor para manexar ese tipo de columna.

O manual de MySQL contén recomendacións para optimizar a estrutura dunha base de datos, facendo referencia especial ao tamaño dos datos e aos tipos de columnas<sup>2</sup>.

## Implementación da integridade mediante restricións


Un paso importante no deseño dunha base de datos é decidir a mellor forma de implementar a integridade dos datos. A integridade fai referencia á coherencia e a precisión dos datos que están almacenados nunha base de datos. Tipos de integridade:

---

<sup>2</sup> Sección 8.4.2 *Optimizing MySQL Data Types* do manual de referencia MySQL 5.6.

- **Integridade de dominio (ou columna).** Especifica o conxunto de valores de datos que son válidos para unha columna e se admite valores nulos. A integridade de dominio adóitase implementar mediante o uso de comprobacións de validez e tamén mediante a restrición do tipo de datos, o formato ou o intervalo dos valores posibles permitidos nunha columna.
- **A integridade de entidade (ou táboa).** Require que todas as filas dunha táboa teñan un identificador exclusivo, coñecido como clave primaria. A modificación do valor da clave primaria ou a eliminación da fila enteira depende do nivel de integridade requirido entre a clave primaria e calquera outra táboa.
- **Integridade referencial.** Esta integridade asegura que sempre se manteñen as relacións entre as claves principais (na táboa á que se fai referencia) e as claves externas (nas táboas que fan referencia). Non se pode eliminar unha fila, nin se pode modificar a clave primaria, se unha clave externa fai referencia á fila, salvo que se permita a acción 'en cascada'. Pódense definir relacións de integridade referencial entre táboas diferentes ou entre columnas da mesma táboa.

No seguinte gráfico ilústranse os tres tipos de integridade:



### Métodos para implementar a integridade

A integridade dos datos pódese esixir mediante dous métodos: integridade de datos declarativa ou integridade de datos procedimental.

- Coa integridade declarativa, defínense os criterios que teñen que cumprir os datos como parte da definición dun obxecto; despois, o xestor asegura automaticamente que os datos cumpran eses criterios. O método preferido para implementar a integridade de datos básica é a integridade declarativa. Hai que ter en conta os feitos seguintes sobre o método declarativo:
  - Declárase como parte da definición da base de datos, mediante o uso de restricións declarativas que se definen directamente nas táboas e nas columnas.
  - Impleméntase mediante a utilización de restricións, valores predeterminados e regras.
- Coa integridade procedimental, escríbense secuencias de comandos que definen os criterios que teñen que cumprir os datos e comprobamos que os devanditos criterios se cumpren. Débese limitar o uso da integridade procedimental a situacións excepcionais e a aquelas cunha lóxica complicada. Por exemplo, utilízase a integridade procedimental cando se desexa implementar un tipo de eliminación do que non dispón o xestor. Os feitos seguintes aplícanse á integridade procedimental:

- Pódese implementar no cliente ou no servidor mediante outras linguaxes e ferramentas de programación.
- Impleméntase utilizando disparadores (*triggers*) e procedementos almacenados.

### Definición de restricións

As restricións son o método máis adecuado para conseguir a integridade dos datos e son un método estándar ANSI para implementar a integridade dos datos. Cada tipo de integridade de datos (dominio, entidade e referencial) impleméntase con tipos de restricións diferentes. As restricións aseguran que os datos que se escriben nas columnas sexan válidos e que se manteñan as relacións entre as táboas. A táboa seguinte describe os diferentes tipos de restricións.

| Tipos de integridade | Tipo de restrición | Descrición                                                                                                                                                                                   |
|----------------------|--------------------|----------------------------------------------------------------------------------------------------------------------------------------------------------------------------------------------|
| Dominio              | DEFAULT            | Especifica o valor que se proporciona para a columna cando non se especifica explicitamente cando se insire unha nova fila.                                                                  |
|                      | CHECK              | Especifica mediante unha expresión os valores dos datos que se aceptan nunha columna.                                                                                                        |
|                      | REFERENTIAL        | Especifica os valores de datos que se aceptan como actualización en función dos valores dunha columna doutra táboa                                                                           |
| Entidade             | PRIMARY KEY        | Identifica de forma exclusiva cada unha das filas; asegura que os usuarios non escriban valores duplicados e que se cre un índice para aumentar o rendemento. Non se permiten valores nulos. |
|                      | UNIQUE             | Impide a duplicación de claves alternativas (non principais) e asegura que se cree un índice para aumentar o rendemento.                                                                     |
| Referencial          | FOREIGN KEY        | Define unha columna ou combinación de columnas nas que os seus valores coinciden coa clave primaria da mesma ou outra táboa.                                                                 |
|                      | CHECK              | Especifica os valores dos datos que se aceptan nunha columna en función dos valores doutras columnas da mesma táboa.                                                                         |

### Creación de táboas e restricións

Dende a norma ANSI SQL2, na sentenza CREATE TABLE, ademais da definición de columnas, pódense introducir algunhas cláusulas que nos permiten completar a descrición da táboa, introducindo algunhas restricións. Entre estas cláusulas merecen ser destacadas as seguintes:

- Restrición de clave primaria. Sintaxe:

```
[CONSTRAINT nome_restrición] PRIMARY KEY [tipo_índice] (nome_de_columna [, ...])
```

Define unha clave primaria nunha táboa para identificar de forma exclusiva cada unha das súas filas. Hai que ter en conta que:

- Só se pode definir unha restrición PRIMARY KEY por táboa.
- A clave primaria pode ser unha columna ou unha combinación de columnas.
- Os valores que se gardan na clave primaria teñen que ser exclusivos. Non pode haber dúas filas que tomen o mesmo valor para a clave primaria.
- Ningunha columna que forme parta da clave primaria pode tomar o valor NULL.

- Restrición de clave foránea (allea ou externa). Sintaxe:

```
[CONSTRAINT nome_restrición] FOREIGN KEY ( nome_de_columna [, ...] )
REFERENCES nome_de_táboa (nome_de_columna [,...])
[{ON DELETE|ON UPDATE} {RESTRICT|SET NULL|SET DEFAULT|CASCADE}]
```

É importante recordar que a clave foránea e a clave primaria á que fai referencia teñen que pertencer ao mesmo dominio (mesmo tipo, tamaño e propiedades). O código de erro 150, móstrase cando non se pode crear unha clave foránea e a maioría das veces prodúcese porque non se cumpre esta restrición.

A restrición FOREIGN KEY implementa a integridade referencial. Esta restrición define unha columna que fai referencia a unha columna que ten que ter unha restrición PRIMARY KEY ou UNIQUE na mesma ou noutra táboa.

Hai que ter en conta que:

- A clave foránea pode estar formada por unha ou máis columnas. O número de columnas e os tipos de datos que se especifican na instrución FOREIGN KEY ten que coincidir co número de columnas e os tipos de datos da cláusula REFERENCES.
- As columnas definidas como clave foránea deben ter asociado un índice para optimizar o seu rendemento. A partir da versión 5.0 de MySQL, cando se crea unha clave foránea créase o índice de forma automática.
- Cando se intenta realizar unha operación de modificación ou borrado dunha fila da táboa pai (a que figura en REFERENCES) e hai filas nalgunha táboa que conteñen claves foráneas que sinalan a esa fila, terase en conta a acción especificada nos apartados ON UPDATE e ON DELETE da cláusula FOREIGN KEY. As accións permitidas para conservar a integridade referencial nas operacións de borrado (DELETE) e modificación (UPDATE), son:
  - CASCADE: borra ou actualiza a fila na táboa pai, e automaticamente borra ou actualiza as filas con claves foráneas que fan referencia a esa fila. Exemplo: No caso de cambiar o valor da clave primaria para unha fila na táboa de clientes, cámbiase 'en cascada' o valor da columna definida como clave foránea na táboa de facturas para facer referencia ao cliente ao que pertence a factura, nas filas que fan referencia a ese cliente.

```
constraint fk_facturas_clientes foreign key (cliente) references clientes (id)
on delete restrict
on update cascade
```

- SET NULL: borra ou actualiza a fila na táboa pai e garda o valor NULL na columna que é clave foránea e fai referencia a esa fila. Para poder empregar esta opción, a columna que é clave foránea debe permitir almacenar o valor NULL, é dicir, non ter NOT NULL na súa definición.
- NO ACTION: no estándar ANSI SQL-92, a opción NO ACTION significa que non está permitido borrar ou modificar unha fila na táboa pai, se hai algunha fila que teña unha clave foránea que faga referencia a ela.
- RESTRICT: en MySQL, NO ACTION e RESTRICT son equivalentes.
- SET DEFAULT: borra ou actualiza a fila na táboa pai e garda o valor definido por defecto para a columna que é clave foránea e fai referencia a esa fila. Non está implementada en MySQL.

- Restricións de unicidade para crear índices que non permiten valores repetidos nunha columna. Sintaxe:

```
[CONSTRAINT nome_restrición] UNIQUE [INDEX|KEY]
[nome_de_índice] [tipo_índice] (nome_de_columna [, ...])
```

A restrición UNIQUE ou de clave única especifica que dúas filas non poden ter o mesmo valor na columna. Esta restrición implementa a integridade de entidade creando un índice único para a columna. É útil cando xa se ten unha clave primaria, como por exemplo un identificador de empregado, pero se desexa garantir que outras columnas, como o número do permiso de conducir dun empregado ou o DNI, tamén sexan exclusivos.

```
constraint pk_empleado primary key (identificador),
constraint iu_empleado_dni unique (dni), # a columna dni non admite valores repetidos
```

Hai que ter en conta que:

- Pode permitir o valor nulo.



- Pode haber varias restricións UNIQUE nunha mesma táboa.
- Pode aplicar a restrición UNIQUE a unha columna ou a unha combinación de varias columnas que teñen que ter valores exclusivos.
- Restricións CHECK para comprobación de valores do dominio válidos.  
CHECK (expresión\_lóxica).

Restrinxe os valores que se poden almacenar nunha columna, que teñen que cumprir a condición representada pola expresión lóxica. Exemplo: o código de oficina non pode ter un valor inferior a 1, nin superior a 100, é dicir, que o código da oficina estea nun rango comprendido entre 1 e 100.

```
check (codOficina between 1 and 200),
```

Hai que ter en conta que:

- A restrición comproba os datos cada vez que se insire unha nova fila (INSERT), ou cando se modifica unha fila que xa existe (UPDATE).
- A expresión pode facer referencia a outras columnas da mesma táboa.
- A expresión non pode conter subconsultas.

Esta restrición non está implementada en MySQL actualmente; non dá erro de sintaxe pero non fai a comprobación de valores.

Para poder borrar ou modificar as restricións, hai que facer referencia ao nome da restrición, polo que é recomendable asignarlles un nome no momento que se crean empregando unha regra. No caso de non darlles un nome, MySQL asígnalles un nome de maneira automática. Unha regra posible para nomear as restricións podería ser:

- Para claves primarias: pk\_nomeTáboa.
- Para claves foráneas fk\_nomeTáboa\_nomeTáboareferenciada.
- Para índices únicos iu\_nomeTáboa\_nomeColumna.

Exemplo de sentenza para a creación da táboa de oficinas tendo en conta as seguintes restricións de integridade impostas polo modelo:

- A clave primaria é a columna *num\_oficina*.
- A columna *num\_oficina* só permite valores entre 1 e 200, ambos incluídos.
- En cada cidade só pode haber unha oficina.
- A columna *provincia* toma por defecto o valor 'Lugo'.
- A columna *director* é unha clave foránea que fai referencia á táboa *empregado*. Contén o *id* do empregado que dirixe a oficina. No caso de executar esta sentenza poderíase un erro porque á táboa *empregado* non existe.

```
create table oficina
(
  num_oficina      integer not null,
  nome             varchar(60),
  enderezo         varchar(60),
  codpostal        char(5),
  director         integer,
  cidade           char(20),
  provincia        char(20) default "Lugo",
  salario          decimal(8,2),
  constraint pk_oficina primary key (num_oficina),
  constraint iu_oficina_cidade unique (cidade), # só unha oficina por cidade
  constraint fk_oficina_empregado foreign key (director) references empregado (id)
    on delete set null
    on update cascade,
  check (num_oficina between 1 and 200)
) engine = InnoDB;
```

Pódense crear novas restricións e modificar ou borrar as restricións que xa existen utilizando a sentenza ALTER TABLE, que se ve na seguinte actividade.

## Asociar estruturas de índices ás columnas

No momento da creación da táboa, pódense crear estruturas de índices asociadas ás columnas, utilizando a cláusula INDEX. Sintaxe:

```
{KEY|INDEX} [nome_de_indice] (nome_de_columna[(lonxitude)] [ASC|DESC] [, ...])
```

Os índices serven para axilizar as operacións de busca. Poden estar formados por máis dunha columna ou incluso por parte dunha columna. MySQL permite seleccionar a orde do índice (ascendente ou descendente). Exemplos:

```
-- índice asociado á columna nome
index idx_oficina_nome (nome)

-- índice asociado aos 15 primeiros caracteres da columna enderezo
key idx_oficina_enderezo (enderezo(15))

-- índice asociado á combinación das columnas numero_oficina e nome en orde descendente
index idx_oficina_numeroNome (numero_oficina,nome) desc
```

Para poder borrar ou modificar as estruturas de índices, hai que facer referencia ao nome do índice, polo que é recomendable asignarlle un nome empregando unha regra. Exemplo: *idx\_nomeTaboa\_nomeColumna*. No caso de non asignarlle un nome, o sistema asígnalle un de forma automática.

## Información sobre táboas

Para obter información sobre as táboas creadas, e as restricións asociadas a elas, pódense utilizar sentenzas SHOW propias de MySQL, ou as táboas da base de datos estándar ANSI INFORMATION\_SCHEMA. Exemplos:

- Coa sentenza SHOW, propia de MySQL:

```
show tables from practicas1; # mostra os nomes das táboas da base de datos practicas1
show create table fotografia; # mostra a sentenza CREATE TABLE para esa táboa
```

- Consultando a base de datos INFORMATION\_SCHEMA:

```
-- consulta das táboas do servidor
select * from INFORMATION_SCHEMA.TABLE
-- restricións de táboa: claves primaria, únicas e foráneas
select * from INFORMATION_SCHEMA.TABLE_CONSTRAINTS
-- restricións de integridade referencial
select * from INFORMATION_SCHEMA.REFERENTIAL_CONSTRAINTS
```

Na seguinte táboa móstranse os nomes e a información que conteñen algunhas das táboas da base de datos INFORMATION\_SCHEMA que poden ser de utilidade nesta actividade:

| Nome da táboa           | Información que contén       | Equivalencia SHOW       |
|-------------------------|------------------------------|-------------------------|
| SCHEMATA                | Bases de datos               | SHOW DATABASES          |
| TABLES                  | Táboas da base de datos      | SHOW TABLES             |
| COLUMNS                 | Columnas das táboas          | SHOW COLUMNS FROM táboa |
| TABLE_CONSTRAINTS       | Restricións de táboas        |                         |
| REFERENTIAL_CONSTRAINTS | Restricións referenciais     |                         |
| ENGINES                 | Motores de almacenamento     | SHOW ENGINES            |
| STATISTICS              | Información sobre os índices | SHOW INDEX FROM táboa   |



## Creación dunha táboa a partir dunha táboa que xa existe

MySQL permite crear unha táboa partindo do esquema doutra táboa que xa existe. Sintaxe:

```
CREATE [TEMPORARY] TABLE nome_táboa {LIKE nome_táboa_existente | sentenza SELECT}
```

Consideracións sobre a sintaxe anterior:

- No caso de utilizar LIKE, créase unha táboa baleira baseada na definición doutra táboa, incluíndo algúns atributos das columnas e os índices definidos na táboa orixinal.
- No caso de empregar unha sentenza SELECT, créase a estrutura da táboa e cópanse os datos resultantes da sentenza. No caso de producirse un erro cando se copian só datos, non se crea a táboa.

En calquera dos dous casos hai atributos que non se van a copiar, e haberá que telo en conta<sup>3</sup>. Algunha das cousas a ter en conta cando se crea unha táboa partindo doutra:

- Claves foráneas. As restricións FOREIGN KEYS non se copian en ningún dos casos. Pódense engadir utilizando unha sentenza ALTER TABLE para incluílas despois de facer a copia.
- En táboas co motor de almacenamento MyISAM, as opcións de táboa DATA DIRECTORY e INDEX DIRECTORY tampouco se copian. Os ficheiros de datos e índices gárdanse no directorio de datos especificado para a base de datos destino.

Exemplo:

```
create table copia_oficina like oficina;
```



Tarefa 5. Crear táboas empregando a sentenza CREATE.

## Borrado dunha táboa

A sentenza DROP TABLE permite borrar táboas. Sintaxe:

```
DROP [TEMPORARY] TABLE [IF EXISTS] nome_táboa [, nome_táboa] ...
```

Exemplo:

```
drop table copia_oficina;
```



Tarefa 6. Borrar táboas empregando a sentenza DROP.

## Motores de almacenamento en MySQL

Unha característica que distingue a MySQL doutros SGBDR é a dispoñibilidade de distintos motores de almacenamento, que ofrecen distintas prestacións e características. Cando se empezou a desenvolver MySQL, o seu creador Michael Widenis buscaba un xestor de bases de datos que fora moi rápido nas consultas xa que ningún dos que había no mercado era o suficientemente rápido. Por iso decidiu crear un novo motor de consultas SQL baseado no formato ISAM<sup>4</sup> que son as iniciais de *Indexed Sequential Access Method* (Método de Acceso Secuencial Indexado), pero engadindo novas extensións que dan lugar ao pri-

<sup>3</sup> <http://cambrico.net/mysql/duplicar-o-clonar-tablas-en-mysql>

<sup>4</sup> <https://es.wikipedia.org/wiki/ISAM>

meiro motor de almacenamento de MySQL que se coñece co nome MyISAM. Posteriormente fóronse incorporando outros motores, atendendo ás necesidades dos usuarios.

Nunha mesma base de datos pódense crear táboas que utilicen distintos motores de almacenamento.

Pódese consultar os motores de almacenamento que pode manexar o servidor utilizando a sentenza `SHOW ENGINES` (é unha sentenza propia de MySQL), ou consultando a táboa *engines* da base de datos `INFORMATION_SCHEMA`. Só se verán os motores de almacenamento que se habilitaron no momento da compilación da distribución.

Cando se crea unha táboa, a cláusula `ENGINE` permite indicar o motor de almacenamento asociado á táboa. No caso de non utilizar esta cláusula opcional, o servidor asóciaille á táboa o motor de almacenamento predeterminado que indica a variable de sistema *default-storage-engine*. Na versión MySQL 5.6 o motor predeterminado é InnoDB.

Os motores de almacenamento máis utilizados son:

- **MyISAM.** As táboas que utilizan este motor de almacenamento son táboas non transaccionais, que se caracterizan pola rapidez na recuperación de datos.

As táboas deste tipo almacénanse no directorio de datos especificado na configuración do servidor (*datadir*). Cada táboa ten asociados tres ficheiros que teñen as extensións `MYD` para os datos, `MYI` para os índices, e `FRM` para os metadatos (esquema).

Cando se insiren ou actualizan filas, prodúcese un bloqueo a nivel de táboa, é dicir, a táboa enteira queda bloqueada e non pode ser utilizada por outros usuarios, excepto para consultas. As lecturas non producen bloqueos.

Estas táboas son as máis utilizadas nos casos en que se fan moitas consultas ao mesmo tempo e poucas actualizacións que son feitas só polo administrador. É o caso de moitas aplicacións web.

- **InnoDB.** As táboas que utilizan este motor de almacenamento son táboas transaccionais e con elas poden ser utilizados os comandos `START TRANSACTION` e `COMMIT` ou `ROLLBACK` para crear transaccións `ACID`<sup>5</sup>. Permiten a recuperación automática tras un fallo grave e a utilización de claves foráneas para controlar a integridade referencial.

Utiliza funcións de bloqueo a nivel de fila; isto fai que sexan recomendables cando se fan moitas operacións de inserción e de actualización simultáneas, comparando co número de consultas.

As táboas deste tipo poden almacenarse nun único espazo de táboas compartido (*ibdata*), ou ben utilizar arquivos específicos para cada táboa como fan o resto de motores. O espazo de táboa pode estar formado por varios arquivos diferentes. Tamén se pode configurar para usar espazos de táboa individuais para cada táboa; neste caso, cada táboa ten asociado un arquivo coa extensión `.ibd`. O tamaño inicial deste espazo é de 16 Mb e vai medrando a medida que se gravan máis datos.

- **Merge.** Permite realizar consultas nun conxunto de táboas MyISAM como se foran unha mesma unidade lóxica. A colección de táboas MyISAM teñen que ter a mesma estrutura; é necesario definir as columnas e os índices das táboas cos mesmos nomes e na mesma orde. Ademais da comodidade de poder facer referencia a varias táboas sen usar varias consultas, as táboas Merge ofrecen as seguintes vantaxes:
  - Permiten crear unha entidade lóxica que supere o tamaño máximo para as táboas MyISAM.
  - Permite incluír táboas comprimidas no grupo.

---

<sup>5</sup> Atomicity Consistency Isolation Durability.

As táboas Merge admiten operacións DELETE e UPDATE, e no caso das insercións poden ter distintos tratamentos, segundo a cláusula INSERT\_METHOD.

- **Memory.** Almacenan todos os datos na memoria RAM, non en disco. Antes coñecíanse como HEAP.
- **Archive.** Utilizadas para gardar información histórica ou información de rexistro de operacións (auditoría), xa que unha vez gravadas as filas non se poden modificar.
- **CSV.** Garda os datos en ficheiros de texto plano, usando formato de valores separados por comas.
- **Federated.** Permite o acceso remoto a táboas creadas noutro servidor. Por defecto, está desactivado no arquivo de configuración (my.ini ou my.cnf).
- **NDBCLUSTER** (tamén coñecido como NBD). É o motor de almacenamento utilizado por MySQL Cluster para implementar táboas que se particionan en varias máquinas.

Todos estes motores de almacenamento crean táboas non transaccionais, excepto InnoDB e NDBCLUSTER.

| Resumo das vantaxes das táboas transaccionais e as non transaccionais |                                                                                                                                                                                                                                                                                                                                                                                                                                                                                                                                                                                                                                                                                                                  |
|-----------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Transaccionais                                                        | <ul style="list-style-type: none"><li>▪ Permiten o manexo de transaccións ACID.</li><li>▪ Máis seguras. Cando falla unha transacción por un fallo do sistema ou de hardware, pode recuperar os datos, mediante recuperación automática ou dende unha copia de seguridade máis o log de transaccións. Con táboas non transaccionais, todos os cambios son permanentes.</li><li>▪ Permite executar o comando COMMIT para confirmar os cambios feitos por unha transacción, ou o comando ROLLBACK para ignorar os cambios (se AUTOCOMMIT está desactivado).</li><li>▪ Proporcionan mellor rendemento para táboas nas que se realizan ao mesmo tempo un número importante de actualizacións e de lecturas.</li></ul> |
| Non transaccionais                                                    | <ul style="list-style-type: none"><li>▪ Máis rápidas.</li><li>▪ Menor requirimento de espazo.</li><li>▪ Requiren menos memoria para actualizacións.</li></ul>                                                                                                                                                                                                                                                                                                                                                                                                                                                                                                                                                    |

Cando se crea unha nova táboa, pódese indicar ao servidor MySQL o motor de almacenamento que se vai utilizar, engadindo a opción de táboa ENGINE no comando CREATE TABLE. Unha vez creada, pódese cambiar o motor de almacenamento coa sentenza ALTER TABLE que se explicará máis adiante. En caso de non especificar a opción ENGINE, crearase co motor de almacenamento definido por defecto na configuración do servidor na opción de arranque *default-storage-engine*, ou na variable de sistema *storage\_engine*.

### Táboas particionadas

MySQL 5.1 e versións posteriores, admiten táboas particionadas. As particións son similares conceptualmente ao motor Merge, xa que permiten usar contidos de táboa almacenados en diferentes localizacións. Sen embargo, unha táboa particionada é unha única táboa, non unha construción lóxica que se asigna a varias táboas subxacentes. Ademais, poden utilizar motores de almacenamento diferentes a MyISAM.

Existen dous tipos de particionados: particionado horizontal, no que as distintas filas da táboa asígnanse a unha partición en concreto; e o particionado vertical, no que as distintas columnas da táboa asígnanse a unha partición en concreto.

Actualmente, en MySQL, só está soportado o particionamento horizontal de catro maneiras distintas:

- **RANGE:** a asignación das filas da táboa ás diferentes particións realízase segundo un rango de valores definido sobre unha determinada columna da táboa ou expresión. É dicir, indicárase o número de particións a crear, e para cada partición, o rango de valores válidos, de forma que cando se vai a introducir unha fila nova na táboa, compróbase

o valor da columna/expresión indicada para facer a partición e a fila inserírase na partición correspondente.

- **LIST:** a asignación das filas da táboa ás diferentes particións realízase segundo unha lista de valores definida sobre unha determinada columna da táboa ou expresión. É dicir, indícarase o número de particións a crear, e para cada partición, a lista de valores que serán a condición para inserir nela, de forma que cando un rexistro se vaia a introducir na táboa, mirárase en que partición hai que gardalo tendo en conta a lista de valores válidos para cada partición.
- **HASH:** este tipo de partición está pensado para repartir de forma equitativa as filas da táboa entre as diferentes particións. Mentres nas dúas formas anteriores é unha persoa quen decide a partición á que se levan as filas segundo uns valores indicados, na partición HASH é MySQL quen fai ese traballo. Para definir este tipo de particionado, indícarase unha columna do tipo integer ou unha función aplicada a unha determinada columna que devolverá un valor enteiro. En función do valor enteiro, MySQL decide en que partición se insire a fila.
- **KEY:** similar a HASH, pero a función para o particionado a proporciona MySQL automaticamente (coa función MD5). Pódense indicar as columnas para o particionado, pero sempre han de ser clave primaria da táboa ou índice único.

MySQL permite ademais realizar subparticionado, é dicir, a división de cada partición en múltiples subparticións mediante a opción **SUBPARTITIONS**.

A definición de particións non é estática, é dicir, MySQL ten ferramentas para poder cambiar a configuración do particionado a posteriori, para engadir ou suprimir particións existentes, fusionar particións en outras, dividir unha partición en varias, etc.

O particionado ten as súas limitacións e as súas restricións, pois non se pode realizar sobre calquera tipo de columna ou expresión, hai un límite de particións a definir, e haberá que ter en conta algunhas cousas para mellorar o rendemento das consultas e evitar que estas recorran todas as particións dunha táboa. Por exemplo, unha táboa de vendas que almacena as vendas realizadas en distintas tendas dunha cadea particionada pola identificación de cada tenda. Ao buscar os datos da tenda de Albacete, a busca límitase á partición asignada a esta cidade, xa que sería absurdo buscar datos de vendas da tenda de Albacete en calquera outra partición.

A vantaxe principal do particionado de táboas é a optimización á hora de acceder aos datos que almacena MySQL, xa que o optimizador pode buscar en particións concretas ou en particións de forma paralela. Noutras palabras, á hora de realizar unha consulta a unha táboa particionada, en lugar de realizar buscas por toda a táboa, redúcese a busca a aquelas particións nas que se sabe que hai datos que interesan.

Outra vantaxe do particionado é que o almacenamento pódese distribuír en varios dispositivos, o que mellora o tempo de acceso por paralelismo E/S. Isto aporta moita flexibilidade se pensamos en escalar a nosa base de datos, xa que, por exemplo, podemos gardar cada partición ou cada grupo de particións en distintos discos físicos.

Hai que ter en conta que estas vantaxes teñen os seus inconvenientes, xa que por exemplo, a complexidade de administración da nosa base de datos incrementárase ao igual que o deseño das táboas. O ideal é alcanzar un equilibrio entre os beneficios que conseguiremos e o custe de manter o sistema.

Exemplo: Creación dunha táboa de *vendas* particionada polo rango de valores, tendo en conta o ano da venda (*data\_venta*):

```
create table vendas
( cliente int not null,
  importe decimal(10,2) default null,
  data_venta date default null
```

```

) engine=myisam
partition by range (year(data_venta))
(partition p1 values less than (2000),
partition p2 values less than (2005) ,
partition p3 values less than (2010),
partition p4 values less than (2015) ,
partition p5 values less than maxvalue );

```

A función `year(data_venta)` devolve o ano da expresión tipo data. Os datos que se almacenan na táboa vendas distribúense en cinco particións. Na primeira partición (p1) gárdanse os datos das vendas feitas antes do ano 2000; na segunda (p2), as vendas feitas antes do ano 2005; na terceira (p3), as vendas feitas antes do ano 2010; na cuarta (p4), as vendas feitas antes do ano 2015; e na quinta (p5), as vendas feitas dende o ano 2015 ata o valor máis alto que tome o ano da venda.

### 1.2.3.5 Índices

Os índices son o principal medio para acelerar o acceso aos datos contidos nas táboas, en especial en aquelas consultas nas que se mostran datos de varias táboas. Hai algúns motores de almacenamento de MySQL que non permiten utilizar índices: Merge, Archive e CSV.

O SXBD sempre establece un índice para a clave primaria dunha táboa e pódense crear índices a maiores para as para as claves foráneas e as columnas que son utilizadas frecuentemente en condicións de busca. Á hora de tomar unha decisión deste tipo, hai que ter en conta que aínda que a busca sexa máis rápida, o índice ocupa un espazo de almacenamento extra e ademais debe ser actualizado cada vez que se executa unha sentenza que insire unha fila nova e cada vez que se borre ou modifica unha fila da táboa.

A creación e borrado de índices pódese facer no momento da creación da táboa coa sentenza `CREATE TABLE`, ou posteriormente, utilizando a sentenza `ALTER TABLE`. Tamén se poden crear e modificar coas sentenzas propias para manexo de índices.

#### Creación de índices

A sentenza `CREATE INDEX` permite a creación de novas estruturas de índices. Sintaxe:

```
CREATE [UNIQUE] INDEX nome_de_indice ON nome_de_táboa ( lista_columnas [ASC | DESC] ).
```

Para poder borrar ou modificar as estruturas de índices hai que facer referencia ao nome do índice, polo que é recomendable asignarlle un nome empregando unha regra como por exemplo: *idx\_nomeTaboa\_nomeColumna*.

Exemplo de sentenza que crea un índice asociado á columna *dni* da táboa *alumno* :

```
create index idx_alumno_dni
on alumno (dni);
```



Tarefa 7. Crear índices empregando a sentenza `CREATE`.

#### Borrado de índices

A sentenza `DROP INDEX` permite borrar un índice. Sintaxe:

```
DROP INDEX nome_indice ON nome_táboa
```

Exemplo de sentenza para borrar un índice asociado á columna *dni* da táboa *alumno*.

```
drop index idx_alumno_dni on alumno;
```



Tarefa 8. Borrar índices empregando a sentenza `DROP`.

### 1.2.4 Tarefa integradora

Esta tarefa créase coa intención de utilizar de forma secuencial a maioría das sentenzas tratadas nesta actividade.



Tarefa 9. Tarefa integradora.

## 1.3 Tarefas

As tarefas propostas son as seguintes:

- Tarefa 1. Conectar cun servidor de bases de datos.
- Tarefa 2. Crear bases de datos empregando a sentenza CREATE.
- Tarefa 3. Poñer en uso as bases de datos empregando a sentenza USE.
- Tarefa 4. Borrar bases de datos empregando a sentenza DROP.
- Tarefa 5. Crear táboas empregando a sentenza CREATE.
- Tarefa 6. Borrar táboas empregando a sentenza DROP.
- Tarefa 7. Crear índices empregando a sentenza CREATE.
- Tarefa 8. Borrar índices empregando a sentenza DROP.
- Tarefa 9. Tarefa integradora.

### 1.3.1 Tarefa 1. Conectar cun servidor de bases de datos

A tarefa consiste en realizar tres conexións cun servidor de bases de datos utilizando diferentes aplicacións cliente:


- Tarefa 1.1. Conectar utilizando a ferramenta gráfica MySQL Workbench 6.2 instalada no ordenador cliente.
- Tarefa 1.2. Conectar utilizando unha consola modo texto de MySQL, tendo instalado Wampserver.
- Tarefa 1.3. Conectar mediante un navegador empregando a aplicación web phpMyAdmin.

#### Solución

Para conectarse a un servidor de MySQL é necesario empregar algunha aplicación cliente que establece a conexión utilizando os parámetros que lle pasa o usuario. Os parámetros que necesita a aplicación cliente son: o nome do servidor ou a IP que identifica ao equipo na rede (por defecto, *localhost*), o porto no que o servidor escoita as peticións (por defecto, 3306), o nome de usuario que se conecta (por defecto, *root*), e a súa contrasinal (por defecto, sen contrasinal).


- Tarefa 1.1

Execútase a aplicación MySQL Workbench e aparece a pantalla de inicio na que se pode escoller o servidor co que se quere establecer a conexión, ou crear unha nova conexión.



No caso de ter creada a conexión, selecciónase, ábrese unha contorna gráfica na que se mostra información do servidor, que permite mediante un editor, escribir sentenzas SQL para ser enviadas ao servidor, como se pode observar na seguinte imaxe. No caso de non ter creada a conexión, hai que indicar o nome do equipo ou IP na que está instalado o servidor, o porto polo que escoita as peticións, e o nome e contrasinal do usuario MySQL.



Pódese ver máis información sobre o funcionamento de MySQL Workbench consultando a guía básica de MySQL Workbench 6.3 que se adxunta como material auxiliar.



#### ■ Tarefa 1.2

Desprégase o menú de Wampserver e selecciónase 'MySQL console' no submenú de MySQL. Ábrese unha consola en modo texto que solicita introducir o contrasinal do usuario *root*. Unha vez introducida o contrasinal, móstrase o prompt *mysql>* que indica que está establecida a conexión co servidor e se poden empezar a escribir sentenzas para que o servidor as execute.







Poderíanse teclear sentenzas SQL e tamén se poden executar comandos propios da consola. Para ver unha relación destes comandos hai que executar o comando help ou \h.

### ■ Tarefa 1.3

Desprégase o menú de Wampserver e selecciónase a opción 'phpMyAdmin' no menú principal. Ábrese o navegador configurado por defecto na instalación de WampServer que chama á aplicación phpMyAdmin na máquina local (localhost), que é un dos compoñentes que instala WampServer.

Na configuración estándar de Wampserver establécese a conexión co servidor MySQL utilizando a conta de usuario do administrador (root), aínda que isto se pode cambiar nos ficheiros de configuración de Wampserver.

No caso de non ter instalado Wampserver, habería que abrir un navegador, indicar a url do servidor no que está instalado phpMyAdmin e identificarse mediante un nome de usuario e unha contrasinal como un usuario de MySQL.



## 1.3.2 Tarefa 2. Crear bases de datos empregando a sentenza CREATE

A tarefa consiste en crear unha base de datos con nome *practicass2*, utilizando o xogo de caracteres latin1 e o idioma español.

### Solución

```
-- Creación da base de datos practicas2
create database if not exists practicas2
character set latin1
```




```

collate latin1_spanish_ci;
/* ou tamén */
create schema if not exists practicas2
default character set latin1
collate latin1_spanish_ci ;

```

Cando se traballa con MySQL Workbench como editor, pode ocorrer que despois de executar a *script* anterior, a base de datos non apareza na relación de bases de datos (*schemas*) que hai na parte esquerda da pantalla. Nese caso, pódese refrescar a información sobre as bases de datos seleccionando o botón que está situado xunto ao título SCHEMAS.




### 1.3.3 Tarefa 3. Poñer en uso as bases de datos empregando a senten-za USE

A tarefa consiste en poñer en uso a base de datos *practicas2* creada na tarefa anterior e observar o que sucede na zona de navegación (SCHEMAS) de MySQL Workbench.

#### Solución

```
use practicas2;
```

Utilizando MySQL Workbench, o nome da base de datos en uso aparece destacado en letra negra na zona de navegación situada na parte esquerda da pantalla (SCHEMAS), indicando que esa é a base de datos activa. Todas as sentenzas que se executen a partir dese momento afectarán a esa base de datos, a non ser que se indique o nome doutra base de datos na propia senten-za.



### 1.3.4 Tarefa 4. Borrar bases de datos empregando a senten-za DROP

A tarefa consiste en borrar a base de datos *practicas2*.

#### Solución

```
drop database if exists practicas2;
```


### 1.3.5 Tarefa 5. Crear táboas empregando a senten-za CREATE

A tarefa consiste en crear varias táboas:

- Tarefa 5.1. Crear a base de datos *practicas1*, empregando o sistema de codificación utf8 en español e crear nesa base de datos a táboa *fabricante* co motor de almacenamento MyISAM. A estrutura da táboa é a seguinte:

| Nome columna | Tipo        | Null | Clave    | Observacións                            |
|--------------|-------------|------|----------|-----------------------------------------|
| idFabricante | char(5)     | N    | Primaria | Código que identifica a cada fabricante |
| nome         | varchar(80) | N    |          |                                         |

- Tarefa 5.2. Crear na base de datos *practicasi* as táboas transacionais correspondentes á interpretación do seguinte diagrama E/R e ao seu grafo relacional:




**PELICULA** ( codPelicula, anoRodaxe, titulo, xenero, duracion)

↑  
B:C, M:C

**NACIONALIDADE** ( codPelicula, nacionalidade )


Terase en conta que:

- O atributo *nacionalidade* é un atributo multivaluado da entidade *pelicula*.
  - O xogo de caracteres para almacenar os datos nas columnas destas táboas será latin1 e a colación en español.
  - O atributo *codPelicula* será un valor numérico que se irá incrementando, de forma automática, nunha unidade cada vez que insira unha nova fila na táboa *pelicula*.
  - O atributo *titulo* ocupa como máximo 100 caracteres, e non admitirá valores nulos. Os valores desta columna almacenaranse utilizando o xogo de caracteres latin1 e o sistema de colación *general*.
  - O atributo *duración* gardarase como unha cantidade numérica positiva, con dous díxitos enteiros e dous decimais.
- Tarefa 5.3. Crear na base de datos *practicasi*, as táboas que correspondan ao seguinte diagrama E/R, interpretando a relación de tipo 1:N.



Terase en conta que o código do equipo está composto por unha combinación de letras e números cun tamaño fixo de 9 caracteres.


- Tarefa 5.4. Crear na base de datos *practicasi*, as táboas que correspondan ao seguinte diagrama E/R, interpretando a relación de tipo N:M.



Terase en conta que:

- O caché do grupo é o mesmo para todos os concertos e suponse que non pode ser superior a 5 millóns de euros.
- Para facilitar as buscas debe crearse un índice para a columna *nome* da táboa *grupo*.
- O *aforo* representa o número máximo de espectadores que poden asistir ao concerto e como máximo será 100000 persoas.
- O *prezo* das entradas ven dado en euros con dous decimais e o prezo máximo é 200 euros.

- Tarefa 5.5. Crear na base de datos *practicass1*, as táboas que correspondan ao seguinte diagrama E/R, interpretando a relación de tipo 1:1.



Terase en conta que só existen tres modelos de contadores que se identifican como 'aeg235', 'samsung20', e 'aeg55'.

## Solución

- Tarefa 5.1

```

/*creación da base de datos practicas1*/
create database if not exists practicas1
    default character set utf8
    default collate utf8_spanish_ci;
/*Se podería crear a táboa sen necesidade de activar a
base de datos, utilizando a notación nomeBd.nomeTaboa: */
drop table if exists practicas1.fabricante;
create table practicas1.fabricante # nomeBd.nomeTaboa
(idFabricante char(5) not null,
nome varchar(80) not null,
primary key (idFabricante)
) engine = MyISAM;
  
```

Outra forma de facelo:

```

/*creación da base de datos practicas1 utilizando a opción schema*/
create schema if not exists practicas1
    default character set utf8
    default collate utf8_spanish_ci;
/*Activar a base de datos practicas1 */
use practicas1;
/*Borrar a táboa no caso de que exista coa sentenza DROP e creala coa sentenza CREATE
As operacións fanse sobre a base de datos activa, que é practicas1 */
drop table if exists fabricante;
create table fabricante
(idFabricante char(5) not null,
nome varchar(80) not null,
primary key (idFabricante)
) engine = MyISAM;
  
```

- Tarefa 5.2

```

/*activación da base de datos practicas1*/
use practicas1;
/*Creación da táboa pelicula, se non existe*/
create table if not exists pelicula
(codPelicula smallint unsigned auto_increment not null,
anoRodaxe date null,
titulo varchar(100) character set latin1 collate latin1_general_ci not null,
xenero varchar(30) not null,
duracion decimal(4,2) unsigned not null,
primary key (codPelicula)
) engine = InnoDB
default character set latin1 default collate latin1_spanish_ci;
  
```

```

/*Creación da táboa nacionalidade, se non existe*/
create table if not exists nacionalidade
(codPelicula smallint unsigned not null,
nacionalidade varchar(30) not null,
primary key (codPelicula,nacionalidade),
constraint fk_nacionalidade_pelicula foreign key (codPelicula)
references pelicula(codPelicula)
on delete restrict
on update cascade
) engine = InnoDB
default character set latin1 default collate latin1_spanish_ci;

```

### ■ Tarefa 5.3

```

/*activación da base de datos practicas1*/
use practicas1;
/*Creación da táboa equipo, se non existe*/
create table if not exists equipo
(
codEquipo char(9) not null,
nome varchar(50) not null,
director varchar(80) not null,
urlWeb varchar(150) not null,
primary key (codEquipo)
) engine = InnoDB;
/*Creación da táboa ciclista, se non existe*/
create table if not exists ciclista
(
fichaFederativa mediumint unsigned not null,
dataNacemento date not null,
nome varchar(40) not null,
apelidos varchar(80) not null,
codEquipo char(9) not null, # not null: cardinalidade mínima 1
primary key (fichaFederativa),
constraint fk_ciclista_equipo foreign key (codEquipo)
references equipo(codEquipo)
on delete restrict
on update cascade
) engine = InnoDB;

```

### ■ Tarefa 5.4

```

/*activación da base de datos practicas1*/
use practicas1;
/*Creación da táboa grupo, se non existe*/
create table if not exists grupo
(
codGrupo smallint unsigned not null,
nome varchar(80) not null,
cache mediumint unsigned not null,
dataFormacion date not null,
primary key (codGrupo),
index idx_grupo_nome (nome)
) engine = InnoDB;
/*Creación da táboa concerto, se non existe*/
create table if not exists concerto
(
codConcerto mediumint unsigned not null,
nome varchar(100) not null,
data date not null,
aforo mediumint unsigned not null comment 'numero máximo de espectadores',
prezo decimal(5,2) not null comment 'prezo da entrada',
primary key (codConcerto)

```

```

) engine = Innodb;
/*Creación da táboa actuacion que sae da transformación
da relación N:M nunha nova táboa*/
create table if not exists actuacion
(
codConcerto mediumint unsigned not null,
codGrupo smallint unsigned not null,
primary key (codConcerto,codGrupo),
constraint fk_actuacion_concerto foreign key (codConcerto)
references concerto(codConcerto)
on delete restrict
on update cascade,
constraint fk_actuacion_grupo foreign key (codGrupo)
references grupo(codGrupo)
on delete restrict
on update cascade
) engine = Innodb;

```

#### ■ Tarefa 5.5

```

/*activación da base de datos practicas1*/
use practicas1;
/*Creación da táboa piso, se non existe*/
create table if not exists piso
(
codPiso smallint unsigned not null,
domicilio varchar(150) not null,
localidade varchar(80) not null,
codPostal char(5) not null,
primary key (codPiso)
) engine = Innodb;
/*Creación da táboa contador, se non existe*/
create table if not exists contador
(
codContador mediumint unsigned auto_increment not null,
modelo enum('aeg235','samsung20','aeg55') not null,
codPiso smallint unsigned not null, # not null: cardinalidade mínima 1
primary key (codContador),
constraint fk_contador_piso foreign key (codPiso)
references piso (codPiso)
on delete restrict
on update cascade
) engine = Innodb;

```

### 1.3.6 Tarefa 6. Borrar táboas empregando a sentenza DROP

A tarefa consiste en escribir a sentenza necesaria para eliminar a táboa *fotografia* da base de datos *test*.

#### Solución

```

use test;
drop table if exists fotografia;

```

Tamén se podería executar nunha única sentenza, cualifinaco o nome da táboa

```

drop table if exists test.fotografia;

```

### 1.3.7 Tarefa 7. Crear índices empregando a sentenza CREATE

Supoñendo que a columna *nome* da táboa *concerto* da base de datos *practicar1* utilízase frecuentemente como condición para localizar os datos dun concerto determinado, pídese crear un índice asociado a esta columna para que esas consultas tarden menos tempo en executarse.

#### Solución

```
create index idx_concerto_nome
on concerto (nome);
```

### 1.3.8 Tarefa 8. Borrar índices empregando a sentenza DROP

Supoñendo que có paso do tempo chegouse á conclusión de que era mellor eliminar o índice asociado á columna *nome* da táboa *concerto* da base de datos *practicar1*. Pídese escribir a sentenza SQL que permite borrar ese índice.


#### Solución

```
drop index idx_concerto_nome on concerto;
```


Neste caso pódese ver a importancia que ten o utilizar unha regra para darlle o nome aos índices no momento en que se crean, pois hai que utilizalos cando se queren borrar. No caso de non darlle un nome no momento da creación, hai que buscar cal é o nome que lle deu o servidor.

### 1.3.9 Tarefa 9. Tarefa integradora


- Tarefa 9.1. A tarefa consiste en escribir un script de sentenzas SQL para realizar as seguintes operacións na base de datos *practicar1*:
  - Borrar a táboa *pelicula* e todas as relacionadas con ela.
  - Crear as táboas que correspondan ao seguinte diagrama E/R, interpretando a seguinte relación ternaria.



- Crear un índice asociado á columna *título* da táboa *pelicula*, e outro índice composto polas columnas *apelido1*, *apelido2* e *nome* da táboa *actor*.
  - Borrar o índice composto creado no apartado anterior.
  - Borrar a táboa *roda*.
- Tarefa 9.2. Crear a base de datos *gabinete*, tendo en conta o seguinte grafo relacional:



Tarefa 9.3. Diagrama MERE para o deseño dunha base de datos para unha compañía formada por empregados, departamentos e proxectos.



Partindo deste diagrama MERE, crear unha base de datos co nome proxectos, utilizando o sistema de colación utf8 español, e as táboas que resultan de aplicar as regras de transformación de:

- entidades (fortes e débiles).
- atributos de entidades.

- atributos multivaluados.
- interrelacións N:M. Crear só as táboas, non crear as restricións de integridade referencial.
- interrelacións 1:N:M. Crear só as táboas, non crear as restricións de integridade referencial.
- atributos de interrelacións.

## Solución

### ■ Tarefa 9.1

```

/*activación da base de datos practicas1*/
use practicas1;
/*borrado da táboa película e táboas relacionadas*/
drop table if exists nacionalidade;
drop table if exists pelicula;
/*Creación da táboa película, se non existe*/
create table if not exists pelicula
(
codPelicula smallint unsigned auto_increment not null,
titulo varchar(100) not null,
xenero varchar(30),
duracion decimal(4,2) unsigned,
primary key (codPelicula)
) engine = InnoDB ;
/*Creación da táboa actor, se non existe*/
create table if not exists actor
(
idActor mediumint unsigned not null,
nome varchar(40) not null,
apelido1 varchar(40),
apelido2 varchar(40),
primary key (idActor)
) engine = InnoDB;
/*Creación da táboa personaxe, se non existe*/
create table if not exists personaxe
(
codPersonaxe char(10) not null,
descripcion varchar(40) not null,
primary key (codPersonaxe)
) engine = InnoDB;
/*Creación da táboa roda que sae da transformación
da relación ternaria N:M:P nunha nova táboa, se non existe*/
create table if not exists roda
(
codRodaxe smallint unsigned auto_increment not null,
codPelicula smallint unsigned not null,
idActor mediumint unsigned not null,
codPersonaxe char(10) not null,
primary key (codRodaxe),
constraint fk_roda_pelicula foreign key (codPelicula)
references pelicula(codPelicula)
on delete restrict
on update cascade,
constraint fk_roda_actor foreign key (idActor)
references actor(idActor)
on delete restrict
on update cascade,
constraint fk_roda_personaxe foreign key (codPersonaxe)

```



```

    references personaxe(codPersonaxe)
    on delete restrict
    on update cascade
) engine = InnoDB;
/*creación do índice composto*/
create index idx_actor_apellido1_apellido2_nombre on actor (apellido1,apellido2,nome);
/*borrado do índice composto*/
drop index idx_actor_apellido1_apellido2_nombre on actor;
/*borrado da táboa roda*/
drop table roda;

```

## ■ Tarefa 9.2

```

/*BORRADO DA BASE DE DATOS, NO CASO QUE EXISTA
(só cando se están facendo probas)*/
drop database if exists gabinete;

/* CREACIÓN DA BASE DE DATOS*/
create database if not exists gabinete
    character set utf8
    collate utf8_spanish_ci;
/* ou tamén */
create schema if not exists gabinete
    default character set utf8
    collate utf8_spanish_ci ;

/* ACTIVACIÓN DA BASE DE DATOS */
use gabinete;

/* CREACIÓN DAS TÁBOAS */
create table cliente (
dni char(9) not null,
nome varchar(100) not null,
endereço varchar(150) not null,
primary key (dni),
key nome (nome)
) engine=innodb ;

create table telefono (
dni char(9) not null,
telefono char(12) not null,
primary key (dni,telefono),
constraint fk_telefono_cliente foreign key (dni)
    references cliente (dni)
    on delete cascade
    on update cascade
) engine=innodb ;

create table avogado (
dni char(9) not null,
nome varchar(100) not null,
endereço varchar(150) not null,
primary key (dni)
) engine=innodb ;

create table asunto (
expediente int(10) unsigned not null auto_increment,
dataInicio datetime not null default current_timestamp,
descripcion text not null,
dataArquivo date default null,
estado enum('recopilación','tramite','xuízo','arquivado') not null,
dniCliente char(9) not null,

```

```

primary key (expediente),
key dniCliente (dniCliente),
constraint fk_asunto_cliente foreign key (dniCliente)
references cliente (dni)
on delete restrict
on update cascade
) engine=innodb ;

create table avogado_asunto (
dniAbogado char(9) not null,
expediente int(10) unsigned not null,
primary key (dniAbogado, expediente),
key expediente (expediente),
constraint fk_avogado_asunto_avogado foreign key (dniAbogado)
references avogado (dni)
on delete restrict
on update cascade,
constraint fk_avogado_asunto_asunto foreign key (expediente)
references asunto (expediente)
on delete restrict
on update cascade
) engine=innodb ;

```

### ■ Tarefa 9.3

```

drop database if exists proxectos;
-- creación da base de datos proxectos
create database proxectos
default character set utf8
collate utf8_general_ci;
-- activación da base de datos proxectos
use proxectos;
-- ENTIDADES
-- creación da táboa persoal
create table persoal
(
dni integer(8) unsigned not null,
nome varchar(80) not null,
endereço varchar(100) not null,
codigoPostal char(5) not null,
localidade varchar(80) not null,
dataNacemento date not null,
sexo enum('home', 'muller') not null,
primary key (dni)
) engine = InnoDB;
-- creación da táboa empregado
create table empregado
(
dni integer(8) unsigned not null,
nss char(10) not null,
salario decimal(8,2) unsigned not null comment 'salario mensual do empregado',
primary key (dni),
constraint uk_empregado_nss unique key (nss)
) engine = InnoDB;
-- creación da táboa departamento
create table departamento
(
codDepartamento smallint unsigned not null,
nome varchar(50) not null,
primary key (codDepartamento)
) engine = InnoDB;
-- creación da táboa proxecto

```

```

create table proxecto
(
codProxecto smallint unsigned auto_increment,
nome varchar(50) not null,
descripcion text not null,
primary key (codProxecto)
) engine = InnoDB;
-- creación da táboa curso
create table curso
(
codCurso smallint unsigned not null,
nome varchar(50) not null,
descripcion text not null,
nivel enum('iniciación','básico','medio','alto','profesional'),
numeroHoras smallint unsigned not null,
primary key (codCurso)
) engine = InnoDB;
-- creación da táboa edicion
create table edicion
(
codCurso smallint unsigned not null,      # hereda clave primaria da entidade forte
codEdicion smallint unsigned not null,
nPrazasEmpregados tinyint unsigned not null,
nPrazasPracticas tinyint unsigned not null,
dataRealizacion date not null,
primary key (codCurso,codEdicion) # clave composta por ser entidade débil
) engine = InnoDB;

-- ATRIBUTOS MULTIVALUADOS DE ENTIDADES
-- creación da táboa telefono
create table telefono
(
dni integer(8) unsigned not null,
numeroTelefono char(12) not null,
primary key (dni,numeroTelefono)
) engine = InnoDB;
-- creación da táboa localizacion
create table localizacion
(
codDepartamento smallint unsigned not null,
localizacion char(50) not null,
primary key (codDepartamento, localizacion)
) engine = InnoDB;

-- INTERRELACIÓNS N:M (créase unha táboa)

-- Relación asiste (N:M).
-- Creación da táboa asiste, sen restricións de integridade referencial
create table asiste
(
codAsistencia integer unsigned auto_increment,
dniPersoal integer(8) unsigned not null,
codCurso smallint unsigned not null,
codEdicion smallint unsigned not null,
primary key (codAsistencia)
) engine = InnoDB;
-- Relación participa (N:M).
-- Creación da táboa participa, sen restricións de integridade referencial
create table participa
(
codParticipa integer auto_increment,

```

```

dataInicio date not null,
dataFin    date null,
horas      smallint unsigned not null,
dniEmpregado integer(8) unsigned not null,
codProxecto smallint unsigned,
primary key (codParticipa)
) engine = InnoDB;
-- Relación documenta (N:M).
-- Creación da táboa documenta, sen restricións de integridade referencial
create table documenta
(
codDocumenta integer auto_increment,
detalle text not null,      # multivaluado
codProxecto smallint unsigned,
dniPracticas integer(8) unsigned not null,
primary key (codDocumenta)
) engine = InnoDB;
-- Relación podesupervisar (N:M).
-- Creación da táboa podesupervisar, sen restricións de integridade referencial
create table podesupervisar
(
codProxecto smallint unsigned,
dniEmpregado integer(8) unsigned not null,
primary key (codProxecto, dniEmpregado)
) engine = InnoDB;

-- RELACIÓNS ENTRE AS ENTIDADES. RELACIÓNS DE TIPO 1:N:M (créase unha táboa)
-- Relación supervisa (1:N:M).
-- Creación da táboa supervisa, sen restricións de integridade referencial
create table supervisa
(
codSupervisa integer auto_increment,
observacions text not null,      # multivaluado
codProxecto smallint unsigned not null,
dniSupervisor integer(8) unsigned not null,
dniSupervisado integer(8) unsigned not null,
primary key (codSupervisa)
) engine = InnoDB;

```